



Formadornan a reuni cu Gobernador di Aruba; a prolonga encargo di formacion di gobierno



Pagina 2

- **Propuesta pa aumento di impuesto riba vuelo cu efecto pisa pa islanan di Caribe**

Pagina 4

- **Transport publico na Corsou no ta cumpli cu standard di accesibilidad**

Pagina 8

- **Ecuador ta bisa cu comercio local di cartel ta genera alrededor di \$30 biyon pa aña**

Pagina 10

*Prome minister demisionario,
Evelyn Wever-Croes:*

Cada minister demisionario ta trahando riba un documento di transicion



Pagina 4

**Republica Dominicana:
Abinader ta reconoce acusacionnan di corrupcion den interior di e pais y ta priminti mas control**



Pagina 11

Rusia y Merca lo nombra negociantenan pa caba guerra na Ucrania



Pagina 24

Formadornan a reuni cu Gobernador di Aruba; A prolonga encargo di formacion di gobierno

Ayera mainta formadornan Gerlien Croes y Mike Eman a reuni cu Gobernador di Aruba Su Excelencia Alfonso Boekhoudt y a entrega un tussensrapportage (relato provisional) cu informacion tocante e proceso di formacion te cu aworaki. Manera ta conoci e fecha final inicialmente stipula tabata 18 di februari, ayera, pero teniendo na cuenta cu e proceso ainda no a finalisa Gobernador di Aruba a prolonga e encargo di formacion di gobierno te dia 13 di maart.

Na salida di nan reunion cu Gobernador di Aruba ambos formador a duna nan declaracion na prensa. Lider di partido Futuro, Gerlien Croes, a splica cu nan a entrega e relato provisional y a duna gobernador un actualisacion di e desaroyonan di ultimo dia- y simannan, y principalmente ariba locual ya nan a bin ta reconoce den e rondanan di consulta cu nan ta hibando.

E tussentijdsrapportage aki ta consisti di tur loke e formadornan a haci te aworaki cuminsando na crea e base di confiansa entre e dos partido, e proceso pa yega na un programa di gobernacion, e consultanan, e proceso interno di e dos partido pa yega na reparticion di e portfolio y e proceso pa yega na candidatonan pa minister, entre otro.

Croes a indica cu e proceso di formacion ta consisti di diferente fase y aworaki lo cuminsa pasa pa e fase di proposicionnan di posibel candidato pa minister. El a informa cu nan a ricibi indicacion cu proceso di screening a base di locual ley ta stipula ta bay dura mas di loke nan a calcula.

El a splica cu e proceso cu ta delinea pa ley, manera cu e ley a ser aproba na 2021, ta cuminsa cana aworaki, y hunto cu esaki tin diferente fase pareu ta cana tambe. El a indica cu nan ta bay continua cu e consultanan den e dianan binidero y a menciona cu tambe ta den preparacion e documento oficial di un acuerdo di gobernacion. El a agrega cu banda di esey a cuminsa cana e proceso di e posibel candidatonan pa minister y ta spera cu pa dia 13 di



maart lo finalisa e ronda.

Croes a indica cu durante e reunion cu Gobernador a papia mas detaya di loke ta e reparticion di e dominionan di e ministerionan, pero no a menciona ainda ken ta e candidatonan pa minister ni ki ministerio nan lo mancha.

Pa loke ta partido Futuro y posibel carteranan cu e partido lo maneho, Croes a indica cu den liña grandi ta cu ministerionan di Finanzas y Economia, Relacionnan di Reino y Educacion, ta algun di e topiconan cu Futuro lo tin.

Contestando pregunta di prensa si tabata cardinal pa partido Futuro haya e carteranan di Finanzas, Croes a splica cu tur area na e momento aki ta cardinal y ta importante pa e gabinete ta solido y cu por conta riba otro. "Locual nos tin cu sa ta cu, cualkier sea na final di dia e reparticion, nos tin cu bay complementa otro, mester apoyo otro pasobra ta bay tin hopi area cu ta bay crusa otro y si no ta bay tin e cooperacion debido den e gabinete entre e ministernan, e no ta bay facilita e proceso," el a bisa.

Di su banda Mike Eman,

contestando e pregunta si tabata dificil pa AVP e cartera di Finanzas na Futuro, a splica cu un poco si, pero esaki no ta pa falta di confiansa den partido Futuro.

El a sigui splica cu e hecho ta cu partido AVP durante di eleccion a pone un enfasis hopi grandi riba mira tur caminda den e presupuesto unda por aloca fondonan pa bay yuda esnan cu a keda atras e ultimo añanan. El a referi na pensionadonan, esnan di salario minimo, y aumento reparatietoeslag.

"Nos lo kier haci e trabou ey cu hopi creatividad y intensidad, semper kedando naturalmente den e margen- y normanan cu ta presupuesta. Pero den dialogo cu Futuro, y cu mas hende den Futuro, nos a haya e confiansa cu e mesun fervor cu nos tin pa haci e ehercicio ey pa haya e fondo necesario pa yuda esnan di menos recurso den nos pais, nos por confia cu e minister cu Futuro lo apunta lo hacie cu e mesun fervor cu uno di AVP y nos tin e confiansa cu esey lo sucede," Eman a sigura.

Pa loke ta e fecha final di 13 di maart, el a indica cu door cu nan a haya mas tempo, nan



por sigui haci e consultanan cu e resto di gremionan den comunidad ampliando tur e informacion cu nan ta ricibiendo, cual el a remarca ta hopi importante na momento di goberna e pais.

Pa loke ta trata e cartera di Relacionnan di Reino, teniendo na cuenta cu dia 1 di mei ta e fecha final pa yega na un acuerdo cu Hulanda riba e Rijkswet, a puntra lider di partido Futuro con e ta sinti cu awor e proceso di formacion ta bayendo te den luna di maart.

El a splica cu e topico aki uno cu ta regarda e gabinete completo y ta loke aworaki tin poni riba agenda hopi halto. El a indica cu ora ta papia di un Rijkswet esaki no ta descarta full e gabinete awor cu tin cu bay den negociacion, y cu e contacto cu Hulanda tin cu continua.

Croes a bisa cu nan tambe ta sinti e pura y tin algun desaroyo cu e proceso di Rijkswet. El a referi na e rapport cu mester keda cla di IMF. El a indica cu e rapport aki tur hende ta sperando, no solamente Aruba pero Hulanda tambe, pero el a dura mas tempo di loke a spera y esey ta aplasa e proceso completo

di loke ta tratamiento di e Rijkswet.

"Nos ta pendiente tanto di loke ta e rapport aki pero tambe na mesun momento teniendo tur e consultanan cu nos ta teniendo y den plan y ideanan ya caba ta bezig cu algun voorwerk. Internamente los di como formador, tin gruponan di trabou di partido cu na e momentonan aki ya ta haciendo huiswerk cu pa ora e momento yega bo ta full prepara caba pa loke ta e proposicionnan cu bo tin y pa continua bon argumenta y bon documenta cu e negociacionnan cu bo kier hiba cu Hulanda," el a bisa.



AHATA a reuni cu formadornan y a trece dilanti diferente punto cu mester atencion y resolucion urgente

Entre otro escasez di personal

Manera ta conoci recientemente formadornan di gobierno, lider di partido Futuro Gerlien Croes, y lider di partido AVP Mike Eman, a tene reunion cu diferente gremio y instancia di comunidad como parti di e proceso di formacion di un gobierno nobo. Un di e stakeholdernan cu a reuni cu e formadornan tabata Aruba Hotel and Tourism Authority (AHATA).

Bon Dia Aruba a tuma contacto cu director di AHATA, Tisa LaSorte, pa puntra kico tabata e puntonan di prioridad cu AHATA a trece dilanti y kico ta e expectativa pa e cooperacion entre e organizacion y e gobierno nobo.

LaSorte a splica cu nan a combersa di varios punto cu mester di atencion y resolucion, pero esunnan di mas urgencia, el a remarca, tabata strategia di turismo cu mester cambia pa tin mas enfoke riba calidad y no cantidad. Esey, el a indica, lo mester di colabo-

racion di tur ministerio y e sector priva. El a agrega cu e ta toca necesidad den infraestructura, por ehempel, educacion, incentiva pa inversion di renobacion, regulacion pa UTV y watersports, vacation rentals, entre otro.

Otro punto di atencion tabata e colaboracion pa yega na un solucion hunto cu ta na bienestar di comunidad y economia, y pa basa maneho riba datos y research.

LaSorte a sigui splica cu tambe a trece dilanti e punto di necesidad di un solucion pa escasez laboral, pa por mantene nivel halto di servicio y productividad. Esaki ta un punto cu tin atencion di diferente gremio y instancia den comunidad, sobretodo esnan den sector turistico.

E problema di escasez di personal ta uno cu ta conoci pa hopi tempo caba y den ultimo añanan e preocupacion pa cu e situacion aki a crece, den gran parti debi na apertura di hotelnan nobo cu a trece

cune e necesidad pa mas trahado ainda.

Mas bishitante na Aruba, mas bishitante den alohamento alternativo y un stop na hotelnan all-inclusive ta duna mas presion e industria di alimento y bebida pa por provee e necesidad di duna e bishitantenan un bon servicio y un bon experiencia en general.

Pero e falta di persona cualifica, adecua, ta un obstaculo cu hopi ta enfrenta y cu lamentablemente tin efectonan grandi riba algun negoshi, te na punto cu pa algun el a hiba nan na ciere di nan negoshi.

LaSorte a sigui splica cu nan a trece dilanti tambe como punto di atencion e necesidad di mas energia renovable, como tambe e importancia di educacion accesible y atencion na problemanan social y mental.

Otro punto di atencion cu nan a remarca ta e necesidad pa un aparato gubernamental eficiente y productivo. Adicionalmente el a indica cu mester sigura cumplimiento di impuesto pa tin "level playing field".



Por ultimo, otro punto di atencion, ta esfuersonan di

AHATA y su miembronan pa sigura cu compania y dunaador di trabao tin maneho responsabel y ta apoya bienestar den comunidad.

Durante reunion cu formadornan, AZV a presenta documento cu cuadronan den cual trabou ta tuma lug

Recientemente director di Algemene Ziektekosten Verzekering (AZV) Edwin Jacobs a reuni cu formadornan di gobierno Gerlien Croes y Mike Eman, durante cual nan a presenta un documento cu ta contene e cuadronan den cual e trabaonan na AZV ta tuma lugar.

Jacobs a splica na Bon Dia Aruba cu e cuater cuadro aki ta e cuadro legal, cuadro marco economico, cuadro financiero multianual y e acuerdo riba cuido. El a indica cu ora ta papia di un seguro, ya sea social of no, ta importante determina e sostenibilidad di e seguro. Pa cu esaki AZV ta usa un modelo di 3 dimension di sostenibilidad.

Primeramente ta e dimension financiero. Jacobs a splica cu financieramente e fondo ta muestra di tin suficiente medio financiero pa cubri su gastonan den añanan 20 y 30. Por lo tanto esaki no ta un asunto pa atende.



E di dos dimension cu el a menciona ta e dimension di personal. El a remarca cu esaki ta un reto grandi pa Aruba caba. Jacobs a splica cu AZV ta monitorea cada tres luna e listanan di espera cerca e specialistanan y asina cu esaki ta largo nan ta pone e medionan financiero pa alivia.

E problema ta cu nan no ta hayando e specialistanan. El a indica cu akinan e sector di cuido hunto cu AZV mester haci esfuerso comun pa atende e situacion aki.

Den un entrevista cu Director Financiero di hospital, Gregory Croeze, den luna di augustus ultimo el a trece di-

lanti e problema cu e sector di cuido ta enfrenta pa loke ta trata escasez di personal, specialmente e dificultad cu tin pa haya y retene dokter y enfermeronan specialisa.

Un di e motibonan pa esaki, segun el a splica, ta nivel di salario na Aruba. Croeze a aplica cu loke hospital ta paga na salario, locual ta conforme nan CAO, no ta atractivo suficiente pa haya specialistanan bin Aruba y keda. Hopi biaha tin varios especialista medico cu ta bin y ta keda pa un termino hopi cortico, algun siman pa algun luna, y no ta keda un periodo largo of indefini.

Jacobs a sigui splica cu durante a reunion cu formadornan nan a indica cu AZV ta reuni periodicamente cu OPPIA y casnan di cuido pa ricibi di nan kehonan cu nan por tin relaciona cu e organo. El a menciona cu a lansa e pensamiento pa introduci un Consejo di Asegurado pa yuda vigila asuntonan den cuido, cual ta un idea cu lo

traha riba dje. E di tres dimension ta e dimension social. Jacobs a splica cu esaki ta encera cu mester keda haci esfuerso pa aseguradonan mantene confiansa den e seguro mediante un bon calidad di cuido y enfatisando solidaridad cu ta e base di e seguro.

El a indica cu aki e formadornan a expresa cu nan ta kere cu mester sigui haci e esfuerso pa mantene e seguro.

Pa finalisa AZV a presenta un lista di proyectonan cu a realisa y ta realisando y ta riba lista pa realisa, den cuadro di e Acuerdo di Cuido.

"Nos tin e confiansa di a brinda e formadornan un bista di unda nos ta pa cu e seguro di AZV y a suministra e informacion necesario pa asina gobierno por determina unda nan ta bay pone prioridad e proximo añanan. Nos ta mira atras riba un reunion fructifero," Jacobs a bisa.

Prome minister demisionario, Evelyn Wever-Croes:

Cada minister demisionario ta trahando riba un documento di transicion

Prome minister demisionario, Evelyn Wever-Croes: Cada minister demisionario ta trahando riba un documento di transicion

Prome Minister demisionario, Evelyn Wever-Croes (MEP) a duna mediante un comunicado di prensa un relato di reunionnan cu mandatarionan na Hulanda durante su biahe di trabou. Den reunionnan cu diferente mandatario di Hulanda, Wever-Croes a trata temanan di interes nacional pa Aruba. Ademas, Wever-Croes a comenta tocante e transicion pa un Gabinete nobo na Aruba.

E prome reunion tabata cu Minister President señor Dick Schoof. Aki a toca varios tema di relevancia pa Aruba, specialmente seguridad y desaroyonan den e region cu ta afecta Aruba directamente. A trata di e prome reunion personalmente di e dos premier. Por a tuma nota cu Premier Schoof ta bon informa y interesa riba desaroyonan na Aruba. Akinan Wever-Croes a splica cu Aruba na e momento aki ta den un situacion financiero hopi stabiel y pa 3 aña sigui tin surplus financiero. Eynan den un manera di chiste e premier di Hulanda a pidi consejo di nos Prome



Minister pa asina e tambe por crea surplusnan financiero pa Hulanda.

Hunto cu Minister Plenipotenciario Ady Thijsen, Prome Minister a reuni cu Minister di Buitenlandse Zaken señor Caspar Veldkamp. Aki a toca e temanan di Venezuela y tambe riba e desaroyo recien di e ordennan ehecutivo di e Presidente di Merca, Donald Trump, unda algun di nan ta afecta Aruba directamente. Durante e reunion tambe Prome Minister a pone enfasis riba e importancia pa Hulanda por compronde kico cada decision di nan y Union Europeo ta significa pa Aruba.

Tambe Prome Minister a re-

uni cu Secretario di Estado di Relacionnan di Reino, señor Zsolt Szabó. A delibera riba diferente desaroyo pero principalmente e negociacionnan entre Aruba y Hulanda riba e tema di e refinanciamiento di e debe di Covid. Manera ta conoci, awor Aruba ta pagando un interes di 5.1%. E condicion di e interes aki di 5.1% ta bou e condicion cu pa dia 1 di mei 2025, keda cla cu un ley di Reino y un ley na Aruba (landsverordering) cu lo wordo presenta na Parlamento di Aruba y Hulanda. Si logra esey e interes lo baha te na 3.4%. Mescos cu Aruba, di parti di Hulanda tambe nan opinion ta cu e negociacionnan ta bayendo den bon direccion.

“Nos lo sigui haci nos max-

imo esfuerso pasobra nos ta kere ta realistico pa nos keda cla prome cu 1 di mei 2025. Cu esaki no ta significa cu e ley di Reino ta un hecho, sino cu e negociacionnan ta cla y tin un concepto riba mesa cu a haya consejo di Raad van State y Raad van Advies y lo bay na Parlamento di Aruba y Hulanda pa wordo debati. Asina Parlamento lo tin tur su tempo pa wak si lo acepta esaki. Pues no ta un acuerdo cu nos ta cera tras di lomba di Parlamento, sino algo cu e gobiernonan ta negociando y prome cu 1 di mei mester wordo presenta na e parlamentonan”, Prome Minister a indica.

Aruba ta den transicion

Tur reunion cu e mandatario di Aruba a informa cu Aruba ta den un periodo di transicion mirando cu tin un formacion andando pa un gobierno nobo. Akinan el a splica cu e diferente puntonan cu el a papia riba nan lo wordo hancra den su documento di transicion. Contrario na 2017, ora cu el a bira Prome Minister e no a ricibi niun sorto di transicion, ni documento. Prome Minister a indica cu su gabinete, Gabinete Wever Croes si lo haci un transicion manera mester ta y cada un minister ta trahando

un documento di transicion. Den esey ta hancra, poni por escrito, palabracionnan cu e ministernan nobo por encontra cune.

Prome Minister: “Na e momento aki Aruba no tin un gobierno nobo ainda, y ora ta asina leu ainda lo tin e screening di cada minister cu ta un proceso cu por tarda algun siman y tin decisionnan cu mester wordo tuma mientrastanto, decisionnan urgente. E tipo di negociacionnan cu ta andando awor no ta cosnan cu por warda te ora un gobierno nobo bin, pero mester continua. Mi ta den contacto cu e formadornan tambe pa nan ta na altura di loke ta sosodiendo pa no tin sorpresa, pero principalmente pa tin continuidad.

Si ta un cos mi a siña di e Hulandesnan ta cu no ta importa cua gobierno ta na mando na Hulanda, pero continuidad ta importante. Si bo tin palabracionnan haci cu un gobierno, e siguiente gobierno tin cu sigui cu ne. Nos ta den e fase awor aki cu Hulanda cu ta basta complica pero semper nos ta traha den e miho interes di pais Aruba y den e forma cu nos ta kere cu ta bay tin un sosten amplio.”

Propuesta pa aumento di impuesto riba vuelo cu efecto pisa pa islanan di Caribe



Gabinete Hulandes ta considerando un propuesta pa un aumento significativo di impuesto riba vuelo di distancia largo, cuminsando na aña 2027. Cu e medida aki, gobierno Hulandes ta spera di genera 248 miyon euro di ingreso adicional. Sinembargo, considerando e importancia di biahe pa y for di Hulanda pa e parti Caribense di Reino, e medida

aki por tin un efecto pisa pa e islanan.

Esaki a keda reporta den un articulo riba portal noticiero Aruba.nu. Gabinete Hulandes ta menciona reduccion di emision di gasnan di invernadero, manera CO2, como un objetivo secundario di e medida. Sinembargo, e proposito principal ta pa aumenta entrada di gobierno.

Segun Aruba.nu, ta spera cu e medida ta bay tin un impacto grandi riba e vuelonan pa Caribe. Pa residentenan di e islanan, transporte aereo pa Hulanda no ta un luho sino un necesidad. E aumento di prijs di e ticket pa biaha ta menasa di haci biahe pa Hulanda mas dificil ainda, loke por tin consecuencia economico y hacie mas complica pa bishita famia, haya acceso na institucionnan educativo, y mantene contactonan comercial.

Riba website di gobierno Hulandes a habri un consulta publico unda ciudadanonan por expresa nan opinion riba e propuesta. Segun e relato, for di e islanan a haci un yamado pa ricibi un exencion, similar na esun cu Francia a otorga su teritorionan di Ultramar. Entre e argumentonan a favor di e exencion aki tin e contribucion limita di e rutan Caribense na e

colecta total di impuesto, y e daño economico pa e islanan.

Ademas, prijs di ticket ya ta aumentando debi na otro obligacionnan, manera e mezcla di combustible sostenible y e compensacionnan di CO2. Actualmente, e consulta a ricibi principalmente contestacion for di Hulanda Europeo, mientras cu e consecuen-

an pa e parti Caribense di Reino apenas a ricibi consideracion.

Pa e motibo aki, ta haci un yamado pa residentenan di e islanan pa duna nan opinion y expresa nan preocupacion a traves di e consulta riba website di gobierno Hulandes, overheid.nl.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense
Data Key

Afiliacion

Sociedad Interamericana
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Abo conoc'e?

Aruban Cotton Tail, e especie di conenchi nativo di Aruba

Aruba su conenchi nativo, e subspecies Aruban Cotton Tail, ta den posibel peliger di extincion y den un esfuerso pa salba e especie endemico aki, Aruba Conservation Foundation (ACF) a lansa un proyecto pa proteha y colecta mas informacion tocante e especie aki. Natasha Silva, Chief Conservation Officer na ACF, a splica den un entrevista cu Bon Dia Aruba con nan a yega na e proyecto, kico ta e meta y loke nan kier logra cu e proyecto aki.

Silva a splica cu Aruba tin su propio conenchi cual ta un subspecies, un especie cu ta bin di e Eastern Cotton Tail. E especie Eastern Cotton Tail ta biba for di e sur di Canada te cu Venezuela y Colombia.

E subspecies aki ta biba na dos isla so, Aruba y Corsou, y na Aruba e ta conoci como e Aruban Cotton Tail. Su number científico mes ta nifica coneu di mondi. E subspecies di Aruba y Corsou tin un parti preto riba nan nek, loke ta diferente na e especie di otro paisnan, locual ta hacie echt nativo di Aruba.

Silva a sigui splica cu antes tabatin hopi y por a topa nan riba caminda frecuentemente, pero aworaki no tin hopi y tin biaha por wak un pa aña den Arikok, cu ta un area protegi. El a indica cu sa tin otro luga riba e isla cu tambe tin nan, pero si a nota cu tin hopi menos cu antes. Esaki ta algo cu ta pone e fundacion preocupa y pa tin bista riba e biodiversidad nativo pa haya si nan ta na peliger di extincion.

"Pa e coneu nos no sa con



hopi tin ainda y esey tabata e eigenlijk e prome pregunta cu a pone cu nos mester sa mas di e coneu, si nan ta okay si of no. Nos ta kere nan ta na peliger di extincion pasobra nos ta wak menos y nos ta wak cu tur e menasanan a bira mas, e ta mas duro pa nan sobrevivi na Aruba," el a bisa.

El a splica cu un aña pasa ACF a traha riba su Conservation Framework den cual a identifica kico ta e prioridadnan pa e siguiente dies aña. Dentro di e framework a bisa cu e prioridad mester ta riba e especienan nativo, flora y fauna. E fundacion a identifica cual eseyan ta y coneu tabata tambe riba e lista.

E proyecto aki ta den colaboracion cu e cadena hotelero Riu International, cu a acerca ACF mas cu un aña pasa pa haci un proyecto multianual cu fundacion.

Silva a indica cu di banda di ACF nunca a traha cu un ca-

dena di hotel of cu un hotel local y pues prome cu a bay di acuerdo pa realisa e colaboracion aki, nan a sinta cu nan na mesa hopi biaha y tambe a haci investigacion pa wak ki tipo di cadena hotelero nan ta, si nan ta hopi serio den e aspecto di sostenibilidad, si nan ta desaroyando y birando mas sotenibel, y kico ta nan aspiracion y ambicionnan bayendo na futuro pa e parti di sostenibilidad y tambe e parte di medio ambiente y naturalesa.

A base di criteria cu ACF mes a pone na mesa, a bay di acuerdo pa concretisa e colaboracion aki. Un di e criterionan ta cu e partner mester ta serio den e parti di sostenibilidad, y otro ta cu e fundacion no kier ser involvi den ningun tipo di "green washing".

Despues di e dialogo y combersacionnan ambos a bay di acuerdo pa realisa e colaboracion aki y ACF a ricibi un fondo pa tres aña, pero ta un proyecto cu eventualmente ACF lo continua pa decadas.

Pa loke ta trata kico e proyecto y e fondo aki ta encera, Silva a splica cu den e fondo aki ACF por contrata un ranger cu ta dedica na e proyecto aki, cual ta algo significativo. Cu e fondonan aki tambe ACF ta bay wak con e poblacion ta, pa motibo cu ta wak hopi tiki. Tambe ta bay tin un aspecto di educacion, teniendo na cuenta cu tin hopi hende na Aruba cu no sa cu nan t'ey, cual el a señala ta un fout di ACF pasobra no a duna suficiente educacion.

E otro parti ta pa haya data pasobra tin falta di data. E fundacion no tin conocimiento

di con grandi e poblacion ta, unda nan ta biba, kico ta e habitat cu nan mester y kico ta e menasanan.

Silva a splica cu nan tin un idea di kico ta e menasanan pasobra ta wak nan na otro pais, pero el a remarca cu e ser humano, specialmente trafico manera UTV y ATV, ta un problema, tin hopi coneu cu ta ser haya placha riba caminda. "Cu esey nos ta bisa nos mester haci un proyecto unda nos ta bay gara tur e data esencial tocante e poblacion, tocante e habitat y cu esey nos por traha un plan pa restaura e habitat cu nan ta gusta," el a indica.

Parti di e proyecto ta inclui tambe investigacion riba e especienan invasivo, kico ta e impacto di boa riba coneu, kico ta e impacto di cacho y pushi di caya riba coneu pasobra esaki, Silva a subraya, ta birando un menasa mas grandi cu boa pasobra tin mas y mas pushi y cacho den naturalesa.

"Ta bay haci un plan pa con nos por mancha e mansanan aki. Nos ta setup un plan pa monitorea e poblacion di coneu pa un decada pa sa si nan ta fluctua y kico lo por causa e fluctuacion, of si ta haci habitat restoration si nos ta wak cu e coneu ta biba mas den e area ey," el a indica.

Por ultimo el a indica cu, cu e proyecto aki, tambe ta bay realisa programa nan di educacion pa poblacion en general siña di Aruba su conenchi nativo.

Potret di Aruba Birdlife Conservation.



Advertorial

Maduro & Curiel's Bank ta nombra Sr. Quinten Fraai como Presidente y CEO

Maduro & Curiel's Bank (MCB) cu placer ta anuncia nombramento di Sr. Quinten Fraai como e Presidente y CEO nobo entrante 1 di juni 2025. Quinten tin experiencia bancario internacional extenso y a traha den diferente pais y cultura.

Ademas di su experiencia profesional e tin lasonan personal y familiar cu nos islanan den Caribe Hulandes y un bon comprendemento di nos comunidnan. Lionel (Chicu) Capriles II, Presidente y CEO actual di MCB, lo asumi un funcion nobo como miembro di e Junta di Comisario, pendiente aprobacion di Banco Central, sigurando cu su experiencia y conocimiento amplio di e Banco lo keda disponibel.

Quinten Fraai tin mas cu 30 aña di experiencia den servicionan financiero. Actualmente e ta CEO di Monuta, un compania di seguro y servicio funeraria di renombre na Hulanda cu mas cu 1.5 miyon doño di polisa. Anteriormente e tabata CEO di NN Insurance Belgica y Luxemburg. E tin un carera

bancario extenso di mas cu dos decada cu ta inclui funcionnan di liderazgo clave manera co-CEO di ING Direct na Hapon, General Manager di Direct Channels na ING Bank Belgica, Director di Savings & Mortgage Operations pa ING Direct den Reino Uni y EVP Operations na ING Direct Merca.

Islay McGlynn, Presidente di e Junta di Comisario di MCB ta declara: "MCB ta hunga un rol clave den e economia y comunidnan di nos islanan den Caribe Hulandes y nos tabata busca un lider cu ta compronde e responsabilidad aki. Quinten tin experiencia amplio riba tereno bancario, crecimiento digital y strategia, pero mesun importante ta tambe cu e ta comparti e balornan di MCB. Nos tin pleno confiansa cu e lo lidera nos Banco cu vision y dedicacion. Mi ta hopi contento tambe cu Chicu lo join e Junta di Comisario. Esaki ta sigura cu MCB por sigui beneficia di su experiencia y conocimiento, mientras nos ta sigui bay dilanti."

Lionel (Chicu) Capriles II ta añadi: Mi ta yama Quinten

un caluroso bon bini na nos islanan den Caribe Hulandes. E ta e persona adecua pa mantene nos balornan di famia halto. For di aña 1916 e balornan aki ta forma e curason di nos Banco. MCB ta fuerte, resiliente y bon posiciona pa futuro y mi tin pleno confiansa cu Quinten lo sigui traha riba e fundeshi solido aki. Mi lo sigura personalmente pa haci un transicion facil y bon. Den mi funcion nobo den e Junta di Comisario, mi ta spera cu anticipacion pa sostene e y nos Banco den e siguiente trayectoria di desaroyo.

Quinten Fraai ta remarca: "Mi ta sinti'mi sumamente honra pa join MCB. Un Banco cu tin un rol asina importante den Caribe Hulandes, cu mi tata cu a nace y crece na Corsou, semper m'a sinti un conexon fuerte cu e islanan. M'a desaroya un aprecio p'e cultura y particularmente p'e sentido di comunidad cu ta haci e pais asina special. Mi ta compronde con crucial MCB ta pa e hendenan y negoshinan den e region aki. Lasonan fuerte ta forma e base di tanto e comunidad como negoshinan y lo mi haci mi maximo



pa stimula relacionnan valioso y pa hunto cu e team nos proteha y mantene MCB su herencia di confiansa, estabilidad y servicio."

Nombramento di Quinten ainda ta suheto na aprobacion di accionistanan, cu ta programa pa tuma luga mas na fin di e kwartaal aki. Entrante 1 di juli 2025 e Junta di Maneho di MCB lo consisti

di Quinten Fraai como Managing Director y Presidente & CEO, Bill Said como Managing Director y Group Head y Cris van Kempen como Managing Director y Chief Risk Officer. E nombramento di Cris (cu a keda anuncia di 23 di januari 2025), ainda y manera custumber ta suheto na aprobacion di regulado y accionistanan.

Eagle Beach ta wordo reconoci como parti di top 3 mihor Playa den Mundo

Segun TripAdvisor Eagle Beach ta tambe #1 den Caribe

Aruba Tourism Authority (A.T.A.) ta orguyoso di anuncia cu Eagle Beach a wordo reconoci pa premiacion prestigioso di TripAdvisor's® pa 'Best of the Best Awards di 2025'.

Eagle Beach a logra tres distincionnan impresionante e aña aki cu ta inclui, #1 Playa den Caribe, #2 Playa den Premio di 25 Aniversario di

TripAdvisor, #3 Playa den Mundo. E reconocimiento aki ta muestra e bunitesa natural, arena blanco suave, y awa cristalino di Eagle Beach cu ta haci e playa aki uno inolvidabel pa e huespednan di tur parti di mundo.

TripAdvisor ta selecciona Travelers' Choice Best of the Best Beaches' basa riba calidad y cantidad di feedback/



reviews ricibi di huespednan di rond mundo riba e plataforma aki. E feedback/reviews ta wordo colecta durante un periodo di 12 luna (for di 1 di october 2023 te 30 di september 2024). E ranking ta depende di locual cu e huespednan ta prefera den un playa, manera awa cla, arena suave, of paisahenan bunita. E premio ta refleha opinionnan autentico di huespednan cu ta cambia tur aña segun e feedback/reviews nobo. Eagle Beach ta mas cu sol-

mente un playa bunita, cu arena blanco y awa cristalino, e ta un parti esencial di e herencia natural y cultural di Aruba. Cu palonan iconico di fofoti, temporada di turtuga, y un bida marino diverso, e playa aki tin un papel crucial den e ecosistema di e isla. Ta importante pa refleha riba e importancia den proteha Eagle Beach y sigura cu e futuro generacion por sigui disfruta di su bunitesa, mientras cu nos ta conserva e balans natural. Cu practicanan

sostenibel, y segun cu ta atrae e turismo responsabel, hunto cu esfuersonan local di conservacion lo yuda na mantene su condicion natural pa e playa por keda un tesoro pa tanto e comunidad local como nos huespednan.

Ban hunto cuida Eagle Beach y tur otro playanan y recurso natural rond di nos isla.

Masha danki pa stima Eagle Beach! Pabien Aruba!



Ministro encarga cu Turismo y Salubridad ta anuncia cu entrante **20 februari 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **slijtvergunning** pa e parcela na **Weststraat 2 Lok 7**. E permiso aki ta concerni e.o. benta di bebida sterki y zwak por detal y pa consumi unicamente otro caminda cu den e percela. Den e periodo aki tur hende por expresa por escrito nan desacuerdo contra dunamento di e permiso menciona, dirigi na e Ministro encarga cu Turismo y Salubridad via intermediacion di Director di Departamento di Legislacion y Asunto Huridico, Schotlandstraat 53.

Menasa jihadista ta afecta cobertura di vacuna di e region Sahel

(AFP)—Ora trahadornan di cuidu medico den centro Malo biaha pa vacuna muchanan contra sarampi, nan mester negocia cu e jihadistanan cu ta controla algun pueblo den peligro di e epidemia.

“Prome nan ta nenga categoricamente. Nan ta pensa cu vacunanan ta carga malesa,” segun un representante for di un NGO Maliense, ken no kier a ser nombra pa motibonan di seguridad.

“Pues, no ta posible pa nos vacuna muchanan den pueblonan y nan mayoria no por haci esaki den e ciudad. P’esey e epidemia di sarampi a empeora,” nan a agrega. Den e caso aki, enfrenta cu e “efecto devastador” di e epidemia e jihadistanan a cambia di opinion: “Nan a bon y puntra servicionan di salud pa vacuna e muchanan.”

Pero e tarea pisa cu hopi trahador di salud ta enfrenta na Mali ta tipico di e problemanan mas grandi cu ta strobando campananan di vacunacion den e region Sahel, cual ta vulnerable pa inestabilidad politico y plaga pa gruponan jihadista.

Eseyan a resulta den un cantidad di mucha cu nunca a ser vacuna, of cu tin inmunidad pover contra varios malesa. “Na 2023 so, mayoria di e paisnan aki tabatin un proporcion grandi di muchanan cu no ta vacuna,” segun Majdi Sabahelzain, co-autor di un estudio den British Medical Journal Global Health for di fin di januari, a conta AFP.

Sudan cu actualmente ta den guera civil tabata particularmente vulnerable cu 43% di mucha no vacuna, sigui pa Mali cu 22% y Chad cu 16%, segun Sabahelzain, for di School of Public Health na University of Sydney.

Rechaso religioso

Desplasmamento masal di ciudadanonan y e destruccion di infraestructura di salud for di varios conflicto den e region a menasa tambe e programan di vacunacion. Parti di e problema ta cu gruponan Islamista y jihadista ta opone e vacunanan pa motibonan religioso. E rechasa aki tin biaha ta ser influencia pa un rechaso di ideanan Occidental, segun e estudio di BMJ, como resultado cu gruponan arma ta dirigi atake riba trahadornan di cuidu medico



y organisacionnan humanitario. Den october, e NGO Doctors Without Borders tabata forsa pa suspende su trabao den Nampala den centro Mali y Djino na Burkina Faso—ambos puntonan clave di violencia jihadista—despues cu a ataca su personal y tereno.

Mali, Niger y Burkina Faso—ken tur a ser afecta pa rebeldianan den e ultimo mita decada—a mira un “aumento notable” den atakenan asina, Sabahelzain a bisa. Na Niger, sindicatonan di cuidu medico tin biaha a keha di e “secuestro” di nursenan pa “terroristanan,” posiblemente pa trata nan miembronan herida den e parti occidental di e pais.

“Na 2020, un tercer di secuestro di trahadornan di cuidu medico a sucede den e regionnan aki, severamente strobando entregamento di ayudo,” Sabahelzain a conta AFP.

Como resultado, hopi organisacion humanitario a stop di tuma e biahe pa areanan peligroso. “Ta riesgoso pa biaha den un vehiculo pa asina alcanza hende cu ta leu,” segun un dokter pa e nonprofit humanitario na Gao, Mali. “Frecuentemente nos ta mira nos cadena friu ser sabotia pa hende no identifica,” e dokter a agrega, refiriendo na con trahadornan ta mantene vacunanan refrigera na temperaturanan adecua.

Restriccionnan di junta

Banda di e gruponan arma, organisacionnan internacional mester traha rond di e restriccionnan impone pa hopi gobierno Sahel. Desde cu nan a tuma poder den rebeldianan militar, e juntanan gobernando Niger, Mali y Burkina Faso a rechasa e Occidente y ex-gobernador colonial Francia en particular.

Desde november 2022, autoridadnan Maliense a prohibi e actividadnan di tur NGO financia y sosteni pa Francia, organisacionnan humanitario inclui. Na comienso di februari, autoridadnan di Niger a ordena e Comité Internacional de Cruz Cora pa sali

for di e pais inmediatamente. No a duna ningun motibo pa e decision aki.

Na november tambe nan a retira autorisacion pa e NGO Frances, Acted, y e nonprofit local Action for Well-Being, atrobe sin splicacion. E junta

a ordena NGOs y organisacionnan di desaroyo pa alinean nan actividad cu nan “vision” y nan prioridadnan strategico.

Strobacion na campananan di vacuna a resulta den un cantidad creciente di mucha cu nunca a ser vacuna pa ricibi algun inoculacion. E obstaculonnan aki pa inoculacion ta nifica cu tabatin un “riesgo persistente” di difteria, tenanos y otro malesa prevenible plamando den e region, e estudio di BMJ a adverti.

Casonan di sarampi den Chad tabata cinco biaha mas halto den 2023 compara cu 2022, aumentando for di 2,158 pa 11,862, mientras cu casonan di polio a tripel for di 252 pa 680 na Burkina Faso, segun e estudio.

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET, BO TA RICIBI 1 LOTTO 5 LOCO EXTRA COMPLETAMENTE GRATIS. Ariba E MESUN TICKET. MAS BO CUMpra, MAS TICKET LOCO GRATIS BO LO RICIBI!

CAMPAÑA TA VALIDO TE CU 28 DI FEBRUARI

Cantidad di estudiante di MBO na Hulanda ta sigui disminui

Preocupacion pa forza laboral di e pais ta keda aumenta

(NLTimes) - E cantidad di estudiante cu ta aplica na educacion secundario vocacional na Hulanda (MBO) ta sigui disminui, segun data for di Dienst Uitvoering Onderwijs (DUO).

E cantidad di estudiante den MBO a baha cu mas di 30,000 desde aña 2020, cu pronostico di sigui baha as ainda na 433,000 estudiante den e proximo 15 aña.

E moda aki ta trece dilanti preocupacion tocante un escasez di empleadonan cu habilidadnan di nivel halto den industrianan crucial manera construccion, ingenieria y cuido di salud. “E disminucion aki por causa desafionan serio pa Hulanda,” expertonan ta adverti, mientras e necesidad pa profesionalnan cu training vocacional ta keda



halto.

E disminucion den aplicacion na MBO ta atribui na diferente factor, incluyendo cambionan demografico. Menos mucha ta nace, y e poblacion cu ta keda bira mas grandi ta nifica menos estudiante cu tin cu drenta e educacion vocacional. Adicionalmente, institucionnan halto ta sigui atrae mas estudiante, hopi biha a causa di e persepcion

cu un diploma universitario ta ofrece miho oportunidadnan. “E no ta djis e studiantenan cu ta prefera educacion di nivel mas halto; mayor nan tambe tin e custumber di encurasha nan yiunan pa persigui cierto caminda den educacion na luga di training vocacional,” un experto di educacion a bisa.

Otro problema significativo ta e dificultad andando den

garantisa un stage, cual ta obligatorio pa programanan di MBO. Varios estudiante ta haya problema ora di busca un luga pa stage, cual ta haci e educacion vocacional un opcion menos atractivo.

MBO Raad, cual ta representa institucionnan vocacional, a yama e situacion uno alarmante. Apesar di esfuersonan pa promove e programanan di MBO y aumenta e conscientisacion di nan balor, e cantidad di studiantenan ta sigui cay.

“Desde aña 2020, nos a mira un disminucion di mas di 30,000 estudiante, a pesar di esfuersonan pa enfatisa e importancia di training vocacional,” vocero di MBO Raad a comenta. “Si e moda aki sigui, nos lo enfrenta escasez grandi den sectornan clave.”

DUO su pronostico mas recien ta confirma cu e cantidad di estudiante den MBO lo sigui disminui, bahando e cantidad actual di 467,000 na 433,000 pa aña 2039. Legisladornan y e lidernan di e industria ta anticipa di dialoga tocante medidanan adicional pa atende e disminucion andando aki.

Gobierno Hulandes tambe a reconoce e problema y a tuma medidanan pa mehora e imagen di educacion vocacional. Sinembargo, expertonan ta enfatisa cu contraresta e moda aki lo rekeri strategianan di termino largo, incluyendo un colaboracion mas fuerte entre e institucionnan di educacion y e negoshinan pa garantisa mas stage y trabao pa e studiantenan.

Ministerio Publico di Hulanda lo resolve mas caso criminal sin bay corte

(NLTimes) - Ministerio Publico (OM) lo impone mas sentencia sin supevisiun hudicial, causando preocupacion tocante con husto tur esaki lo ta.



Bao un cambio di politica, OM lo haci uso mas frecuente di su autoridad pa duna castigo - incluyendo boet y oranan di trabao comunitario - pa ofensanan cu ta carga un sentencia di prizon maximo di 6 aña. Esnan critico di esaki ta adverti cu e expansion aki di poder ta pone den riesgo debilita e proteccionnan legal.

“E fiscalnan no ta hues, y nan

no mester actua manera hues tampoco,” vocero di Nederlandse Orde van Advocaten (NOvA) a bisa. “Un huicio husto ta un derecho fundamental, y pasa riba cabes di corte por causa husticia inconsistente y arbitrario.”

OM ta argumenta cu esaki ta necesario pa alivia e presion

riba e sistema hudiciario. “Alrededor di 80% di e casonan ta involucra ofensanan relativamente menor unda sentencia di prizon cortico hopi biaha no ta efectivo,” Rinus Otte, presidente di e directiva di fiscalnan general a comenta. “Pa medio di trata e casonan aki nos mes, nos ta laga mas tempo den corte habri pa crimennan cu ta mas serio.”

Desde aña 2008, OM a laga autoridad legal emiti un ‘strafbeschikking’, un ordo di sancion penal, pa cierto ofensanan. Sinembargo, e agencia ta admiti cu el a “innecesariamente sigui convoca sospechosonan na corte” den

varios caso. E cambio aki ta nifica cu crimennan manera robo y vandalismo lo ser trata fuera di corte, cu sospechosonan enfrendando boet of oranan di servicio comunitario na luga di sentencianan mas pisa.

Critica contra e politica aki no ta nobo. Den 2020, Ombudsman Nacional a adverti cu e ciudadanonan hopi biaha no ta realisa cu acepta un castigo penal ta resulta den un record criminal. E siguiente aña, e ombudsman tambe a critica OM pa negligencia contra e victimanan su derecho ora di yega acuerdo den casonan sin huicio.

Otte a declara cu OM ta introduciendo un sistema di compensacion nobo den colaboracion cu Slachtofferhulp Nederland pa garantisa cu e victimanan lo ricibi resolucion na tempo.

A pesar di e garantianan aki, expertonan legal ta keda dudoso. “Supervision hudicial ta existi pa un motibo,” vocero di NOvA a comenta. “Si OM kier impone un castigo, e mester test esaki den corte. Di otro manera, nos ta core riesgo di un sistema unda eficiencia ta pasa riba husticia.”

Transport publico na Corsou no ta cumpli cu standard di accesibilidad

(Curaçao Chronicle) - Apesar di añanan ta usa bus anticua cu no ta cumpli cu e necesidatnan di e poblacion, Autobusbedrijf Curaçao (ABC) ta sigui introduci vehiculonan nobo cu e mesun problemanan di accesibilidad.

E compania recientemente a inaugura un grupo nobo, sinembargo chauffeur di bus veterano Andres Evertiz a argumenta cu e vehiculonan aki no ta duna prioridad na e confort y accesibilidad di e pasahero.

Busnan di ABC ta rekeri pa e pasaheronan drenta y sali via un stap halto y fini, cual ta haci particularmente dificil pa esnan di edad halto y esnan cu discapacidadnan por usa esaki confortablemente. Segun Evertiz, e fayó den disenio aki a keda sin cambia apesar di varios yamado pa mehoracion. “ABC ta evolucionar of pone e prioridatnan corecto,” el a declara.

Segun cifranan di Central Bureau of Statistics of Curaçao (CBS), 36% di e poblacion tin mas di 55 aña y e isla su poblacion cu ta birando grandi ta rekeri solucion mas

inclusivo pa transport publico. Sinembargo, na luga di introduci bus cu tin punto di entrada plat y rampa, ABC a opta pa mantene e mesun disenio problematico.

“Esaki ta incomprendibel,” Evertiz a expresa. “E stapnan aki ta uinconveniente persistente pa esnan di edad halto y un obstaculo significativo pa e personanan discapacita. Adicionalmente, nos busnan tin falta di un espacio designa a pasaheronan cu ta usa rolstoel, walker of stroller.”

Cu ananan di experiencia den e sector, Evertiz ta conoce

ambos e industria y e pasaheronan di cerca. E ta haya frustrante cu Corsou te ainda no a adopta e modelonan di bus mas accesibel usa na Hulanda, unda varios vehiculo di transport publico tin disenio y mecanismo mas inclusivo. Ademá, busnan na Hulanda ta ekipa cu espacio pa esnan di edad halto of esnan cu ta rekeri asistencia.

“Pueblo a te hasta ser priminti busnan cu ta opera cu energia alternativo, podera pa panel solar, pa reduci e prijs di ticket,” Evertiz a conta. “Pero ata nos akinan atrobe cu e mesun modelnan anticua.”

Evertiz ta di e opinion cu e falta di atencion na accesibilidad den transport publico ta pa motibo cu esnan cu ta tuma decision den gobierno rarabes ta haci uso di e sistema nan mes. “Nos lidernan, kendenan ta core rond den auto cu chauffeur, no tin idea di kico e ta nifica pa depende riba transport publico diariamente,” el a agrega.



Barco di marina Zr.Ms. Groningen ta intercepta casi 3mil kilo di cocaina



Barco di marina Hulandes Zr.Ms. Groningen a logra un captura di droga den su prome siman di patruya den e area Caribense. Esaki a ser anuncia ayera den un comunicado di prensa. Dia 2 di februari, e tripulacion a intercepta un boto di droga cu casi 3.000 kilo di cocaina abordo. Cinco sospechoso

a ser deteni.

E accion a cuminsa un dia prome, ora cu e wardacosta di area Caribense a mira un boto sospechoso ariba radar. Groningen y un avion di patruya a cuminsa persigui, pero e boto a logra huy den anochi.

E siguiente mainta, e boto a aparece atrobe ariba radar. E



biaha aki, nan a haci tur esfuerso pa stop e boto. Boto di intercepcion rapido y un helicopter di marina a ser usa. E contrabandistanan a ignora tur advertencia, hasta tiro di advertencia. Finalmente, e helicopter a deshabilita e mo-

tor di boto cu tiro dirigi.

Na bordo, e militarnan a haya 94 pakete di cocaina, un total di 2.820 kilo. E cinco contrabandistanan y e droga a ser entrega na wardacosta Mericano.

Zr.Ms. Groningen ta activo den e area Caribense for di fin di januari y ta traha hunto cu e wardacosta Mericano y Caribense pa combati contrabanda di droga.

Violencia riba caya ta inclui mas y mas menasa online y video viral



(NLTimes) - Polis y trahadornan hubenil mas y mas ta mira violencia riba caya cu tambe tin un componente online, segun un rapport nobo di Academia di Polis Hulandes cu a sali siman pasa. Esaki ta inclui violencia entre hobennan cu a ser precedi pa un menasa online of di cual un video ta aparece online despues. Mas cu 60 entrevista a ser conduci pa e estudio cu trahadonan hubenil, oficialnan policial, mayor- y hobennan, entre otro.

Segun e investigadornan, e violencia por tuma varios forma, manera un batimento di gang of violencia entre gruponan rival. Filmacion di un humiliacion of asalto ta comun. Sinembargo, polis ta ricibi masha tiki melding di victimanan.

Segun e investigadornan, esaki ta debi cu hobennan hopi

biaha tin miedo di raporta otronan. E cultura “anti-snitch” ta generalisa bou di hobennan, e investigadornan a bisa. E parti online tambe hopi biaha ta tuma luga pafo di e bista di polis y mayornan of voogd, loke ta nifica cu tin poco bista riba dje. Segun e investigadornan, “violencia riba caya hibrido” ainda ta ricibi tiki atencion y ainda tin hopi pa gana den e acercamento.

Entrevistadornan a bisa cu e perpetradornan hopi biaha ta hobennan di antecedenenan desbentahoso cu a lanta den pobreza y cu tin problema na cas. E perpetradornan tambe hopi biaha ta suceptibel na presion di nan companeronan y probablemente hopi biaha tin un discapacidad intelectual leve.

E investigadornan a declara cu “credibilidad riba caya” ta un motibo importante pa hobennan profila nan mes

offline y online cu violencia. “Ta parce di ta dificil pa hobennan scapa di e spiral (online) di violencia unabes cu nan a cay den dje,” e rapport a declara.

Segun e investigadornan,

mucha homber tin mas chens di experiencia e violencia anteriormente menciona cu mucha muhe, aunke e ultimo grupo aki tambe ta biraando mas y mas victima di esaki. Den hopi caso, nan ta victima di otro mucha muhe.

Aunke tin biaha nan tambe ta victima di “sexual exposing” den cual imagennan sexual di nan ta ser usa pa humilia, por ehempel, un ruman of primo cu kende un hende tin un conflicto.



TRABOU DI MANTENCION DEN TRANSFORMATORSHUIS NA TARABANA
Interupcion di Coriente

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 20 di februari 2025
8:30 AM te cu 3:30 PM

Den vecindario di:

- Cantaloupestraat
- Mispelstraat (un parti)
- Pampoenstraat
- Pindastraat (un parti)
- Sorsacastraat
- Cumana (un parti)
- Caya Juancho Kock
- Dadelstraat (un parti)
- Macubarstraat (un parti)
- Makapruimstraat
- Mamoticastraat (un parti)
- Cocostraat
- Patiastraat

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.


ELMAR

Brazil lo uni cu OPEC+, grupo di nacion grandi cu ta exporta petroleo

(AP) – Gobierno di Brazil a aproba di uni cu OPEC+, un grupo di nacionnan grandi cu ta exporta petroleo, cu ta señala e evolucion di e pais como un estado importante di petroleo, solamente nueve luna prome cu e pais ricibi e conferencia anual di clima di Nacionnan Uni.

E aprobacion di e Conselho Nacional di Politica di Energia a bin pa un invitacion oficial di 2023. E grupo ta inclui 12 miembro di OPEC, e grupo cu a forma pa coordina produccion di petroleo pa stabilisa e mercado, y 10 nacion mas cu ta produci petroleo cu Rusia como esun mas grandi.

Aunke miembronan no-OPEC ta di acuerdo pa colabora cu nacionnan di OPEC, Brazil no lo tin ningun obligacion manera reduccion



di produccion, minister di Minas y Energia, Alexandre Silveira, a bisa na un conferencia di prensa.

Silveira a yama OPEC+ solamente “un forum pa discuti strategianan entre paisnan cu ta produci petroleo. Nos no mester tin berguensa di ta productor di petroleo. Brasil mester crece, desaroya y crea

ingreso y trabou.”

Presidente Luiz Inácio Lula da Silva a cuminsa su tercer mandato den 2023, promoviendo su mes como un defensor di medio ambiente, y a traha pa reduci deforestacion den Amazonia y proteha derecho di indigenanan. Pero e tambe a argumenta cu ingreso nobo for di petroleo

por financia un transicion pa energia berde.

Den simannan recien, el a presiona e regulador di medio ambiente di e pais pa aproba perforacion exploratorio cerca di e boca di e Rio di Amazon, un di e regionnan mas biodiverso di mundo.

Brasil ta e di shete productor mas grandi di petroleo na mundo, cu mas o menos 4.3 miyon bari di petroleo pa dia, of 4% di produccion total mundial, segun Administracion di Informacion Energetico, un agencia di gobierno di Merca. Na 2024, petroleo crudo a bira e producto di exportacion principal di e pais, representando 13.3% di benta for di e pais, superando soya.

Merca ta e productor mas grandi di mundo cu casi 22 miyon barril di dia, cu Arabia Saudita, e productor mas grandi di OPEC, cu 11 mi-

yon bari.

Lula ta sigui busca pa aumen- ta produccion di petroleo, pero su paso a haya critica mientras Brazil ta prepara pa e conferencia climatico di Nacionnan Uni cu ta conoci como COP30 na november. Un enfoke central di e cumbre anual climatco tabata e reduccion di uso di combustibel di petroleo, cu ora ta kima e ta libera gasnan cu ta kenta planeta.

“Entrada di Brazil den cu- alquier organismo di OPEC ta un otro señal di retraso di gobierno,” Suelly Araújo a bisa, portavoz di Climate Observatory, un red di 133 grupo ambiental, sociedad civil y academico. Habriendo zonan pa exploracion di combustible di petroleo “ta indica cu nos ta eligi solu- cionnan di pasado pa combati un reto grandi di e presente y futuro,” Araújo a bisa.

Ecuador ta bisa cu comercio local di cartel ta genera alrededor di \$30 biyon pa aña

(AFP) – Presidente Ecuatoriano a admiti diamars cu cartel y gangnan ta move \$30 biyon den arma, droga y otro producto ilícito a traves di su pais cada aña – alrededor di un cuarta parti di GDP di e pais.

Den un esfuerço pa subraya e severidad di e crisis di seguridad violento di e pais anteriormente pacifico, Daniel Noboa a haci e revelacion sorprendente durante un entrevista cu television estatal. “Esey ta hopi placa, hopi



cash,” e presidente di 37 aña, naci na Miami, yiu di un bionario di bacoba, a bisa.

E suma ta ekivalente na 24 por ciento di GDP di Ecua-

dor of e ganashi neto na 2023 di gigante online Mericano, Amazon, un di e compani- anan mas grandi na Merca.

Caponan di droga ta luchan- do ferozmente pa control di rutanen di traficacion cu ta hiba cocaina for di bisiñan- an Colombia y Peru door di wafnan Ecuatoriano na mer- cadonan na Europa, Asia y Merca.

Noboa ta enfrenta un campa- ña dificil pa eleccion na april contra un oponente isquierdis- ta fuerte, cu votadornan cla pa duna nan veredicto riba su

maneho di “man di hero” pa cu seguridad.

Noboa a gana e prome ronda e luna aki pa un margen mi- nusculo – 44.17 por ciento versus e 43.97 por ciento di Luisa Gonzalez, segun un to- tal final publica diamars. E resultadonan a muestra cu el a perde pisa den areanan costero mas afecta pa violen- cia.

Door di declara un estado di emergencia y desplega eher- cito na prison y cayanan pa combati gang, Noboa tabata

exitoso den baha e cantidad enorme di asesinato aña pasa. Pero comienso di e aña aki a mira otro aumento den violen- cia y malcontento crecien- te cu estado di e economia.

Mas cu un decena di persona a ser asesina na e ciudad mas grandi di e pais, Guayaquil, durante weekend. Diabierna, hombernan arma a basha tiro riba un coronel di forsanan special contra cartelnan.

Enfrentando e ola nobo di violencia, Noboa a reemplasa su minister di Interior.

Republica Dominicana lo extende muraya na frontera cu Haiti

(AFP) – Republica Do- minicana a anuncia di- aluna cu nan lo extende e muraya di concreto cu ta separa nan for di Haiti ariba e isla Hispaniola.

Presidente Dominicano Luis Abinader a tuma un postura stricto ariba migracion for di Haiti, un pais cu ta sufrir di pobresa y violencia, desde su ascension na poder na 2020.

Abinader a bisa na un conferen- cia di prensa dialuna, cu e muraya na e provincia di Da- jabon ya caba a “reduci robo di motor y vehiculonan den e region aki cu 80 por ciento.”



Abinader a aumenta depor- tacion, expulsando 250,000 Haitiano sin documento na 2023 so.

Gobierno a presenta un plan na October pa expulsa 10,000 Haitiano sin documento pa

siman como parti di un operacion pa controla migracion for di nan bisiña problem- atico.

Gobierno a expulsa 142,378 Haitiano sin documento den e prome cuater lunanan, segun datonan di gobierno. E plan lo duplica e cantidad aki den un aña – mas cu e 495,815 Haitiano cu ta biba den Republica Dominicana, segun estadistica oficial.

E muraya ta planea pa cubri mas cu mitar di e frontera di 210 miya entre e dos pais. Abinader, a priminti den su prome mandato pa sigui con- strui muraya den e regionnan montañoso di Republica Do- minicana, caminda migracion na frontera ta aumenta.



Cuminsando cu 4 florin, bo por gana e suma grandi aki

Afl. 120.000,-

Obtenibel na cualkier rebendedo di Lotto.

sorteo ta awe nochi 7:45 pm



HUNGA AWO



Republica Dominicana: Abinader ta reconoce acusacionnan di corrupcion den interior di e pais y ta priminti mas control

(DiarioLibre) – Presidente Luis Abinader a admiti cu e lucha contra corrupcion na Republica Dominicana ta rekeri un control mas grandi dentro di e pais, unda, el a indica, a detecta multiple kehonan di irregularidadnan cu mester ser atendi cu urgencia.

Durante firmamento di decreto 76-25, cu ta crea e Comision Presidencial pa Transparencia y Anti-Corupcion, e mandatario a enfatisa cu e supervision di fondonan publico no por ser limita na institucionnan central, pero mester ser extendi na tur provincia, unda, el a splica, un cantidad mas grandi di kehonan recien a ser identifica.

“Nos a haya melding di corrupcion cu ta bay mas leu cu e nivel central, y ta p’esey nos ta insisti cu e lucha contra corrupcion mester yega na e nivelnan teritorial. Ta eynan

nos ta scuchando mas keho, y ta eynan nos ta bay insisti riba e sistema aki,” segun Abinader.

E mandatario a subraya cu e Comision Presidencial nobo di Transparencia y Anti-Corupcion lo ta presente den tur e provincianan, garantizando cu e control riba e gastonan publico lo no ta limita na e supervision di e funcionarionan halto, pero lo cubri e diferente nivelnan administrativo di e pais.

Cu implementacion di e sistema nobo contra corrupcion, Gobierno ta busca fortalece auditoria y prevencion di practicanan corrupto dentro di e pais, pa medio di un schema cu ta garantisa: Supervision teritorial di administracion publico; Control mas grandi riba compra y contractnan den e provincianan; Reaccion rapido riba kehonan di corrupcion local;



y Fortalece auditoria interno.

Abinader a destaca tambe cu, ultimo añanan, su administracion a tuma pasonan importante pa loke ta trata transparencia. “Nos no kier solamente mantene e pro-

greso realisa, pero pa ta ainda mas drastico den e di dos periodo aki. Corupcion no ta ser combati solamente den e capital, pero den tur skina di e pais, pasobra solamente di e forma aki nos por garantisa transparencia y confiansa den

Estado”, asina e mandatario a bisa.

Como parti di e siguimento di e iniciativa aki, e comision lo entrega rapportnan semanal na e presidente y tene reunionnan regular pa evalua e impacto di e medidanan implementa den cada provincia.

E mandatario a reitera cu e lucha contra corrupcion ta clave pa fortalece confiansa den e pais y atrae inversion di exterior, sigurando cu aumento di inversion y creacion di cupo di trabou ta mara directamente na estabilidad institucional y transparencia den administracion publico.

“Tur cos ta un win-win ora di combati corrupcion. Nos ta comprometi pa fortifica e sistema aki na nivel nacional, pasobra transparencia ta esencial pa desaroyo di e pais,” Abinader a finalisa bisando.

Rick Scott ta promove un restriccion riba vuelonan pa Cuba for di Merca mas pronto posibel

(CiberCuba) - Senador di Florida, Rick Scott, a intensifica esfuersonan pa impone sancionnan mas severo riba gobierno Cubano, incluyendo restriccionnan nobo riba vuelonan pa e isla.

“Nos no mester ta biahando pa Cuba. “Ken cu kier bay Cuba, laga nan bay [pa biba] na Cuba,” Scott a bisa den un entrevista cu CBS News Miami.

Scott a argumenta cu e placa cu e Cubano-Mericanonan ta gasta riba e isla ta fortalece e regimen, ta genera beneficacion financiero pa e militarnan Cubano y ta reforsa represion di gobierno. “Ora hende biaha pa Cuba, esnan cerca di gobierno, principalmente e militarnan, ta beneficia di esaki”, el a bisa.

“E fondonan ta ser usa pa



reprimi esnan cu ta opone gobierno”, el a agrega.

“E biahenan ta financia represion na Cuba,” el a bisa, aunke e ta consciente di e impacto potencial riba e Cubano-Mericanonan cu ta biaha frecuentemente pa bishita nan familiarnan.

Historicamente, administracionnan republicano a impone restriccionnan mas grandi riba biahe pa Cuba.

Durante e periodo di Donald Trump, na 2019 y 2020, Merca a prohibi vuelonan pa ocho ciudad Cubano pafo di La Habana.

Scott a indica cu e lo sostene restauracion di e medidanan ey y hasta implementa restriccionnan mas severo.

Scott a confirma cu e ta trahando activamente pa pasa e restriccionnan aki y ta spera cu nan lo drenta na vigor

prome cu fin di aña.

Pero algun Cubano-Mericanonan ta teme cu restriccionnan nobo lo haci bida mas dificil pa nan sernan keri riba e isla. Esaki no ta prome biaha den e ultimo simannan cu e senador republicano di Florida, Rick Scott, ta urgi e administracion di presidente Donald Trump pa expande e sancionnan contra e regimen Cubano.

Den un entrevista cu e periodista Mario J. Penton pa Martí Noticias na fin di januari, Scott a declara cu “Cuba ta e raiz di instabilidad den Latino America,” y a enfatisa cu e ta trahando na Washington pa promove cambio democratico riba e isla.

“Ta importante pa reestablece sancionnan contra e regimen y contra tur e chollernan na Cuba. Nos no mester otorga

visa na Merca na personanan cu a lucha contra libertad y democracia y nos mester corta e fluho di placa pa nan”, e legislador a declara e tempo ey.

Scott ta kere cu “e regimen ta un menasa pa e seguridad nacional di Merca” y a insisti riba e necesidad pa mantene Cuba riba e Lista di Patrocinadornan Estatal di Terrorismo.

Scott recientemente a introduci e Ley di Democracia, un proyecto di ley cu ta busca pa impone vriesmento di activo y prohibicion di visa riba sectornan clave di e gobierno Cubano, particularmente e militarnan.

E senador ta inclui e iniciativa aki dentro di un strategia mas amplio pa debilita regimen autoritario na Latino America.

Hues di Nevada a pospone huicio pa sospechoso di asesinato di Tupac Shakur na 1996

(AP) – Un hues di Nevada a pospone huicio di e unico sospechoso cu a keda acusa na 1996 di asesinato di rapper iconico Tupac Shacur pa casi un año, y a bisa cu no tin otro manera, tumando den consideracion desaroyonan nobo presenta pa e abogadoan di defensa y e necesidad di sigura un huicio husto.

E huicio di Duane “Keffe D” Davis, cu a ser programa pa e luna cu ta bin na Las Vegas, a ser posponi pa 9 di februari 2026. E hues a ordena cu e fiscalnan y defensa bolbe na corte durante berano pa un audiencia di estado.

“Ta parce cu tin un bon cantidad di cosnan cu mester keda haci pa prepara e caso



aki pa Meneer Davis por haya asistencia efectivo di abogadoan,” e Hues di Corte Districtal di Condado Clark Carli Kierny a bisa durante un audiencia cortico.

Ora e hues a puntra si nan ta di acuerdo cu e movcion di e huicio, Davis a acorda.

E ekipo di defensa di Davis a presenta un mocion pidi-

endo pa mas tempo, bisando cu trabou investigativo critico mester ser haci y testigo mester ser entrevista pa sigura cu e por haya un huicio husto. E abogadoan a bisa cu un investigador priva a identifica testigonan cu por testigua cu Davis no tabata na e sitio di e tiro.

Abogado Carl Arnold, cu ta lidera defensa, a bisa cu e caso ta inclui acusacionnan di decadanan bieu y cu e evidencianan critico no a ser examina completamente.

Na anochi di 7 di september di 1996, Shakur tabata den un BMW cu tabata ser mancha pa fundador di Death Row Records Marion “Suge” Knight. Nan tabata wardando na un luz cora di trafico ora un Cadillac blanco a yega

cerca y a los tiro.

Davis, un ex-lider di e banda cu ta acusa di a orkestra e asesinato di Shakur cerca di Las Vegas Strip, a declara no culpabel pa e asesinato di prome grado y a keda prisionero despues di su aresto na september 2023.

Davis a reconoce den entrevista y den su buki cu el a proporciona e arma cu a ser usa den e tiroteo y cu e tabata den e auto. Pero su documentonan di corte ta bisa cu su descripcionnan di a orkestra e tiroteo tabatin e proposito di “entretene y traha placa”.

Arnold a argumenta cu Davis nunca mester a keda acusa pa motibo di acuerdonan di inmunidad cu Davis ta bisa cu e tin cu fiscalnan federal y lo-

cal mientras cu e ta biba den California.

Fiscalnan no ta di acuerdo, nan ta bisa cu tin evidencia fuerte contra Davis y cu cu-alkier acuerdo di inmunidad tabata limita.

Abogadonan di defensa tambe ta pone pregunta ariba e manera cu Shakur a muri, bisando cu nan tin informacion di testigonan cu a indica cu e tabata den condicion stabiel despues di e tiroteo y cu el a muri diripiente despues di un siman di hospitalisacion. Nan kier consulta expertonan medicinal y forensico pa evalua posibel causa alternativo di morto.

Morto di actriz Koreano di 24 año ta habri discusion tocante cultura di rednan social y internet

(AP) – Morto di actriz Koreano, Kim Sae-ron e siman aki a trece cune hopi dolor y yamada pa un cambio den manera con celebridadnan den e pais di Zuid Korea ta ser trata den publico y ariba rednan social, cu criticonan ta bisa cu por crea un cultura di acoso.

E mucha muher di 24 año, cu a cuminsa su carera como un actor jong y a gana premio pa varios pelicula, a ser haya morto na cas di un amiga na Seoul, e capital di e pais, dialuna. Su morto ta asumi como un suicidio. Agencia di Polis Nacional a bisa cu no ta sospecha wega sushi y cu

Kim no a laga un nota.

Kim, cu a bira un di e stenan mas briyante den escena vibrante di cine y television di Corea di Sur, tabatin dificultad pa haya trabou despues di un incidente unda el a mancha auto burachi na 2022, pa cual e la haya multa den corte.

Postnan online na Corea di Sur ta notoriamente duro ariba celebridadnan cu comete eror, specialmente muher, y Kim a continuamente enfrenta cobertura negativo for di organisacionnan di noticia cu a capitalisa ariba sentimento publico.

Corant y website a kritik’e ora nan ta mira Kim disfrutando cu amiga, of ora cu e ta lamenta ariba su falta di trabou y tabata laga comentario malo ariba rednan social. E la hasta ser critica pa hari ora e tabata filmando un pelicula independiente año pasa.

Despues di su morto, varios di e corantnan principal di e pais a publica editorial y articulo di opinion criticando e comentarionan toxico tocante e actriz. Algun a trece dilanti e suicidionan na 2019 di cantante di K-Pop Sulli y Goo Hara y e morto di e actor di “Parasite,” Lee Sun-kyun na 2023, mientras ta pidi un cambio na e “cultura duro,



sin tolerancia” riba celebridadnan.

E corant Hankook Ilbo a bisa cu media di e pais tabata parti di e problema, lamentando cu algun media a continua di explota Kim pa clicks hasta despues di su fayecimento.

Organisacionnan di vigilan-

cia Citizens’ Coalition for Democratic Media a critica organisacionnan di noticia pa papia malo tocante rednan social sin considera nan propio metodonan “sensacional y provocativo di reporta”.

Naci na 2000, Kim a cuminsa su carera di actriz na edad di 9, cu e pelicula “A Brand New Life” di 2009, representando e lucha di un mucha muher cu mester ahusta na un bida nobo despues cu su tata a lag’e den un orfanato. El a subi cu fama cu “The Man from Nowhere,” cu tabata un di e exitonan mas grandi na escena di cine Koreano y a gana un premio di actuacion domestico.

Shakira ta sigui cu tour mundial despues di hospitalisacion na Lima

(AFP) - Cantante Colombiano Shakira a bisa cu su concierto na Peru dialuna lo sigui un dia despues cu el a cancela otro presentacion a causa di un hospitalisacion repentino.

E cantante di 48 año a bay sala

di emergencia diasabra anochi y a keda hospitalisa brevemente, causando e cancelacion di su show diadomingo anochi. Shakira a skirbi riba Instagram dialuna cu e portanan di e stadion nacional di Lima lo habri 4or di atardi pa e concierto cu lo cuminsa

8:15 di anochi. E publicacion no a haci referencia na su salud.

E compania di evento Masterlive a confirma dialuna cu e show lo sigui y cu lo anuncia un fecha nobo pronto pa e concierto cu a keda cancela diadomingo. Shakira actualmente ta riba su prome tour mundial den 7 año.

Nombra “Las Mujeres ya no lloran”, el a cuminsa na Rio de Janeiro dianan despues cu el a gana un Grammy pa Best Latin Pop Album. E cantante a dedica e premio na e migrantenan na Merca cu ta enfrentando deportacion bao



President Donald Trump. Cu mas di 90 miyon record bendi mundialmente y 4 Gram-

my na su number, entre otro premionan, Shakira ta un di e artistanan Latino mas popular den historia.

E lo duna show na casi 50 fecha den Latino America pa fin di juni, sigui pa mas concierto na Merca y Canada.



Island Asia Store
Av. Millio Croes #122 | T. 583-8888 | (front of Price Smart)
TIN SURTIDO SPECIAL PA CARNAVAL 71
Nos tin jug di diferente tamaño, blas, accesorio, bril solo, keds, sandalia, mea, sapato, sweaterm y t-shirt.
Articulo pa bo fantasia di Carnaval y prijs pa tur cartera!
HORARIO: Dialuna - Diasabra 9AM - 7PM (NON STOP)
Diadomingo 10AM - 2PM

ALEGRIA y FANTASIA

Parada di carnaval di Colegio Laura Wernet-Paskel

Diabierna 21 di februari 2025, muchanan di Colegio Laura Wernet-Paskel na Kadushi Largo pa di su 46 aña ta celebra Carnaval cu un parada conhuntamente cu participantenan di otro scolnan di bario di Santa Cruz.

Nos parada lo sali 5:30 di atardi for di parkeerplaats di Colegio Laura Wernet Paskel. E parada ta bira na e crusada di Sero Compa y Kadushi Largo bay pariba direccion Angochi y ta lora despues pa termina e parada riba e veld di Sportboys Club.

Colegio Laura Wernet-Paskel tin como tema e aña aki: **'NOS TA BRIYA'**

Tur aña muchanan di diferente scolnan di cuido, preparatorio y scolnan basico ta participa na nos parada di Carnaval.



E aña aki 2025 ta compaña nos:

- Curason Contento cu e tema "Minions"
- Sint Jan Kleuterschool cu tema di "Super Heroes"
- Cacique Macuarima cu e tema di "Cowgirls & cowboys"
- Colegio San Hose cu tambe tin e tema di "Super Heroes"

- De Schakel basisschool cu e tema di "Inside out"

Nos ta gradici e scolnan di awor caba cu tur aña ta yuda engrandece nos parada.

Un y tur ta keda cordialmente invita pa bin presencia e parada anual di nos muchanan di Santa Cruz.



Secuencia di grupo y ruta di Parada Escolar Oranjestad

Ayera SMAC a publica un update tocante e ruta y secuencia di grupo pa e Parada Escolar na Oranjestad, cual lo tuma luga diabierna binidero, 21 di februari 2025, cuminando 9:30 di mainta pa 1:30 di atardi.

E secuencia di grupo pa e Parada Escolar ta lo siguiente:

1. Reina Beatrix School y Prinses Amalia Basisschool
2. Arco Iris Kleuterschool
3. Play2Whizz Campus
4. Mon Plaisir, PuisX & Fatima
5. Frere Bonafacius & Rosario College
6. Colegio Conrado Coronel & Scol Paso pa Futuro
7. Scol Seour Juliette & Sint Dominicus College



E ruta di e parada lo cuminsa na Aruba Entertainment Center na Dakota y ta sigui riba Avenida Milio Croes, Vondellaan y ta caba na Plaza Libertador.

Ta recorda mayornan pa tene cuenta cu e calor y pa cuida nos muchanan durante parada pa asina tur por gosa di carnaval.



Schedule di evento pa Carnaval 71

Temporada di Carnaval 71 ta den full-swing, y ainda tin un cantidad di parada y actividad pa disfruta! No perde niun di e siguiente actividadnan di Aruba su Carnaval:

Diaranson 19 di februari: North International Sunset Parade, 7pm-1am.

Diabierna 21 di februari: Parada Escolar Basico Oranjestad, 10am.

Diabierna 21 di februari: Battle of the Bands, 8pm.

Diabierna 21 di februari: KIWANIS 26th Masquerade Party, 9.30pm.

Diasabra 22 di februari:

Lighting Parade Oranjestad, 8pm-3am.

Diadomingo 23 di februari: Parada di Mucha San Nicolas, 2pm-6pm.

Diadomingo 23 di februari: Kimamento di Momito, 7pm-9pm.

Diahuebs 27 di februari: Parada di Luz San Nicolas,

8pm-2am.

Diabierna 28 di februari: Parada Escolar San Nicolas (10am-1pm), Noord (8am-10.30am) y Oranjestad (10am-1.30pm).

Diasabra 1 di maart: Parada Grandi San Nicolas, 11am-7pm.

Diadomingo 2 di maart:

Parada Grandi Oranjestad, 11am-7pm.

Diadomingo 2 di maart: Kimamento di Momo, 7pm-10pm.

Dialuna 3 di maart: Chill Out Monday Baby Beach, 12pm-9pm

Diaranson 5 di maart: Diaranson di Shinishi.

Na caminda pa Weganan Panamericano Junior na Asuncion, Paraguay

Atleta di Taekwondo Maelynn Fradl ta conta di su preparacion pa ASU2025

Un atleta hoben cu hopi gana di representa su pais riba escenario regional y internacional, Maelynn Fradl ta conta di su proceso di clasificacion pa weganan Panamericano Junior ASU2025. Maelynn a participa den tres evento clasificatorio y ta hopi bon para den e "ranking" di top 8 atletanan cu por clasifica pa ASU2025.

Awor cu e ultimo clasificatorio pronto na Aguas Cali-

entes - Mexico, e enfoke di Maelynn ta pa ta bon prepara, a traves di busca "sparring partners" di su nivel pa bin yud'e na Aruba y haci campeonan di entrenamiento den exterior.

Maelynn a caba cu su proceso di rehabilitacion di su dos rudianan y a cuminsa entrena back pa e ultimo clasificatorio pa e weganan. Entrenando actualmente cu su compaño di Honduras, pronto Maelynn mes lo bay Honduras

y Mexico pa sigui entrena y despues pa e clasificado mes.

Cu nueve aña di edad, Maelynn tabata soña caba pa yega na nivel Olimpico. "Por bisa cu esaki ta mi comienso." Emociona pa competi den e torneo binidero, e atleta a enfatisa su orguyo y deseo pa representa Aruba na nivel halto den su deporte. "Mi deseo ta pa haci un bon combate, y bin cu e medaya di oro cas."



Corte di Apelacion Argentino ta descarta caso di abuso sexual contra hungadornan Frances di rugby

(AFP)—Un corte di apelacion Argentino a confirma ayera e descartacion di cargonan contra hungadornan Frances di rugby, Oscar Jegou y Hugo Auradou, ken a ser acusa di viola un muher despues di un wega den e pais juli aña pasa.

E dos homber, ambos 21 aña di edad, a ser deteni dos dia despues di gana nan prome capanan internacional pa Francia contra Argentina den e ciudad di Mendoza. Un



muher di 39 aña, ken nan a conoce den un club nocturno despues di e wega di 6 di juli, a acusa nan di abuso sexual

den un camber di hotel.

Auradou y Jegou a insisti cu nan a tene relacion sexual

consensual cu e dama despues di un anochi di bebemento. E hungadornan a keda den custodia preventivo pa mas cu 1 un siman na Mendoza y despues bao detencion domiciliario pa casi un luna prome cu nan por a regresa Francia september aña pasa despues cu fiscalnan a bisa cu e caso contra nan ta parce dudoso.

Ayera, e tres huesnan di apelacion na Mendoza a mantene e huicio di e corte mas abao december pasa pa descarta e cargonan contra e dou. Den

un huicio mira pa AFP descartando un apelacion entrega pa e demandante, e huesnan a cita un "falta di elemento pa sostene un acusacion serio."

E abogado di e demandante a priminti repetidamente pa usa tur metodo di apelacion, cual ainda por inclui e Corte Inter-Americano pa Derecho Humano basa na Costa Rica. Jegou y Auradou a haci nan prome apariencia di Test desde e acusacion luna pasa, cuminsando riba banki pa e wega di apertura contra Gales.

Resultado Clasico Internacional Jinete & Amazonas

E directiva di OCA ta presenta e resultadonan di e torneo Clasico Internacional di Jinete & Amazonas.

Amazonas Principiante 6-8 aña
Miho: Ginayli Hodge

Amazonas Principiante 9-11 aña
Miho: Kaylee Pinto
Prome luga: Alize Kemp

Amazonas Principiante 12-14 aña
Miho: Amy Koolman

Mini Amazona 4-5 aña:
Miho: Jaeny Teixeira da Camara (Curacao)

Mini Jinete 4-5 aña:
Miho: Zaenoh Ignacio (Curacao)

Amazonas Pre-infantil 6-8 aña:
Miho: Isaiah Walter (Curacao)
Prome luga: Ilana Stewart (Curacao)



Segundo: Alessia Garcia
Tercer: Adeline Lomans

Jinetes Pre-infantil 6-8 aña

Miho: Aiden Kock
Prome luga: Zhane Rafael Sprock (Curacao)

Amazonas Infantil 9-11 aña

Miho: Sophia Schotte (Curacao)
Prome luga: Zaria de Groot
Segundo: Zoe Solagnier
Tercer: Sheyxienne Geerman

Cuarto: Jurlainey Vrolijk

Jinetes Infantil 9-11 aña

Miho: Gabriel Magdalena (Curacao)
Prome luga: Benjamin Soliana

Amazonas Junior 12-14 aña

Miho: Melouanne Sempertiguez
Prome luga: Allegra Maria

Jinetes Junior 12-14 aña



Miho: Zachary Coffie
Prome luga: Tristan Stewart (Curacao)

Amazonas Hubenil 15-17 aña

Miho: Xyselle Dijkhoff
Prome luga: Courtney Irausquin
Segundo: Saellys Ignacio (Curacao)
Tercer: Abigail Wong
Cuarto: Naegely Figaroa (Curacao)
Quinto: Xielle Koolman

Jinetes Juvenil 15-17 aña
Miho: Jordy Zievinger

Amazonas Aficionada 18-20 aña

Miho: Marjolein de Vocht
Prome luga: Sarah Toet

Jinetes Aficionado Mayor di 25 aña

Miho: Willem Werleman
Prome luga: Siegfried Sille (Curacao)

Sensacion Antonelli ta insisti cu e no ta “reemplaso” di Hamilton

(AFP) - Hoben cu ta halando atencion Andrea Kimi Antonelli a desmenti e sugerencianan cu e ta un “reemplaso” pa Lewis Hamilton prome cu su debut den e temporada binidero di Formula One.

Campeon di 7 titulo mundial Hamilton su mudansa di Mercedes pa Ferrari a crea un vacatura na su ekipo bieu, cu e hoben di 18 aña Antonelli awo birando partner di George Russell, ken a keda di 6 luga ultimo temporada na Silver Arrows.

“Mi no ta haya ta corecto pa bisa cu mi ta su reemplaso, el a haci asina hopi den e deporte y mi ta djis sinti cu mi ta e proximo chauffeur den Mercedes y mi kier crea mi mesun storia,” Antonelli a bisa na e lansamento di e



temporada di F1 2025 na Londres diamars.

“Pero definitivamente core pa Mercedes ta un responsabilidad grandi pa motibo cu obviamente esaki ta un team top. Na mesun tempo e ta un gran oportunidad, e ta un privilegio pa a unda mi ta awe y djis purba di saca lo miho di

e oportunidad aki.”

Antonelli a agrega cu el a ricibi conseho di Hamilton, bisando reporteronan cu “el a bisa pa disfruta mas tanto, no preocupa tocante e circunstancianan externo, djis traha riba mi mes y disfruta e proceso.”



Hamilton tabatin un temporada como novato impresionante, cabando den di 2 luga den 2007 ora cu e tabata core pa McLaren banda di Fernando Alonso, ken tabatin titulon mundial di F1 sucesivo.

Antonelli a isa cu e aspectonan mas impresionante di

Hamilton su campaña di debut “increibel” tabata su consistencia. “Mi ta sinti cu loke el a haci hopi bon ta cuminsa bon y keda desaroya sin purba haci dimas,” Antonelli comenta. “Esey ta e motibo dicon e tabatin un gran temporada y esey ta loke mi ta bay purba di haci. Disfruta mi mes y traha duro.”

WADA: Caso di Sinner ta ‘un miyon miya leu di doping’

(AFP) - Jannik Sinner su suspension di 3 luna pa un par di test di droga positivo a ser defendi pa World Anti-Doping Agency despues di acusacion cu e castigo no tabata suficientemente estricto.

Sinner su saga di doping a yega su fin diasabra despues cu e atleta di tennis a acepta e suspension, admitiendo “responsabilidad parcial” pa erornan di e ekipo cu a causa cu el a test positivo 2 biaha pa clostebol den maart di aña pasa.

E Italiano tabata enfrentando un posibel suspension di 2 aña despues cu WADA a apela na Corte di Arbitrahe pa Deporte contra us exoneration inicial di International Tennis Integrity Agency. Sinembargo WADA a retira su apelacion y a yega un acuerdo cu Sinner tocante su suspension di 3 luna despues di a acepta cu e hoben di 23 aña a ser contaminado na su fisioterapeuta.

Sinner a bisa cu e substancia prohibi a drenta su sistema ora cu su terapeuta a usa un spray cu ta contene esaki pa trata un herida, despues a provee masashi y terapia na e hungado.

E sancion a ser cuestiona y critica pa e hungadonan anterior y actual incluyendo Novak Djokovic. Sinembargo, WADA su consul general Ross Wenzel ta kere cu e nivel di e sancion tabata “na



su luga” pa loke a sucede. “Esaki ta un caso cu ta miyones di miya leu di doping,” el a conta BBC Sport diamars. “E feedback cientifico cu nos a ricibi tabata cu esaki no por ta un caso di doping intencional, incluyendo micro-dosing. WADA a ricibi mensahe di esnan cu ta considera cu e sancion ta demasiado halto y, den cierto forma, si bo tin algun ta bisa cu esaki ta inhusto contra e atleta mientras otronan ta bisa cu e no ta suficiente, porta e ta un indicacion cu aunke e no ta bay ta popular cu tur hende, porta e ta un indicacion cu e ta na e luga corecto (ni hopi pisa, ni hopi leve).”

Acusacionnan di faborit-

ismo

Den otro caso di perfil halto aña pasa, campeon di 5 Grand Slam Iga Swiatek a acepta un suspension di 1 luna despues di a test positivo pa e medicamento di curason trimetazidina.

Den contraste, Simona Halep a ricibi un suspension di 4 aña di ITIA den 2022 despues di a test positivo pa e medicamento roxadustat cu ta aumenta sanger. El a argumenta cu esaki tabata resultado di suplemento contamina y exitosamente a apela na CAS, cual a reduci su suspension na 9 luna.

Papiando na Qatar Open di aluna, e campeon di 24 Grand

Slam Djokovic a bisa cu varios hungado no ta contento cu e manera cu e casonan a ser trata. “Tin un mayoria di hungado cu ken mi a papia den locker, no solamente dianan recien sino tambe ultimo lunanan, cu no ta contento cu e manera cu henter e proceso aki a ser trata,” e ex hungado number 1 na mundo a bisa. “Un gran mayoria di e hungadonan aki ta sinti cu e ta husto. Y un gran mayoria di e hungadonan ta sinti cu aki tin faboritismo. E ta parce cu, bo por casi afecta e resultado si bo ta un hungado top, si bo tin acceso na abogadoan top.”

Sinner su suspension lo core di 9 di februari te cu dia 4 di mei, lagando su persona liber

pa hunga e resto di e aña aki su Grand Slam, cuminsando cu French Open.

Desde cu el a derota Alexander Zverev na Australian Open su final den januari e no a hunga na nivel competitivo.

“Asina cu bo yega un acuerdo, loke bo no por haci ta bisa ‘well, esaki lo aplica aki 2 luna pa un periodo di 3 luna,” Wenzel a bisa. “E meser drenta den efecto rapidamente. Claramente, na momento cu yega e acuerdo, ta importante pa esaki keda ehecuto y haci publico pa motibonan di transparencia. E sancionnan cu nos ta impone y te hasta e codigo ta bista esaki, ta pega na e calendar.”



Meta ta plania cable bao awa pa conecta 5 continente

(AFP) - Compañia doño di Facebook y Instagram Meta a bisa cu e lo pone un cable bao awa cu ta cubri 5 continente pa carga data, incluyendo pa desaroyo di inteligencia artificial.

E cable lo core mas di 50,000 kilometer entre Merca, Sur Africa, India, Brazil y “otro regionnan,” segun Meta a informa diabierna.

Comunicacion digital global ta depende di un red grandi di cable bao awa, cu alrededor di 1.2 miyon kilometer di cable ya caba instala, segun un rapport di Centre for Strategic and International Studies (CSIS), cual ta basa na Merca.

Gigantenan digital manera Meta recientemente a drenta e mundo di cable bao awa,




cual pa hopi tempo caba ta domina pa companianan specialisa manera Merca su SubCom, Francia su ASN, Hapon su NEC y China su HMN.

Data intercontinental ta core cu gran cantidad di actividad economico global, sinem-

bargo ta sufri daño regular accidentalmente a causa di incidentenan bao awa manera por ehempel tsunami of anker di boto.

Tambe nan por ta victima di sabotahe delibera of spionahe.



NATO den januari a lansa patruyahe dedica di Baltic Sea despues di atakenan sospecha riba telecom y cablenan di enegia cu expertonan y politiconan ta culpa Rusia. Yama “Project Waterworth,” Meta su plan tin meta di “fortalece e escala y confiabilidad di e mundo su careteranan

digital.. cu e cu velocidad y conectividad abundante necesario pa podera innovacion di AI.”

E compania a bisa cue proyecto di cable ta representa “un inversion di varios año y varios biyon dollar.”

Musk ta lansa su AI Chatbot

(AFP) - Elon Musk su compania di inteligencia artificial a revela e version mas recien di su chatbot, Grok 3, cual e biyonario ta spera lo haya popularidad den un sector sumamente competitivo cu rivalnan ChatGPT y China su DeepSeek.

E lansamento aki ta bini mientras e homber mas rico na mundo ta usa e podernan enorme otorga na su persona pa e President Mericano Donald Trump pa restructura y desmantela agencianan federal.

E esfuersonan aki pa corta gasto a causa preocupacionnan di conflicto di interes, mirando cu varios di e agencianan aki tin supervision regulatorio riba elementonan di Musk su emporio. “Grok ta pa compronde universo,” Musk a bisa na e comienso di e presentacion di Grok 3. “Nos a motiva pa curiosidad tocante e naturalesa di e universo – esey ta loke ta causa cu nos ta un AI cu ta busca e berdad, aunke e berdad aki ta den contra di loke ta politicamente corecto.”

Musk a promove Grok 3 como “scary smart,” cu e recursonan di computer 10 biaha mas grandi cu loke e version anterior tabatin. E producto aki di su compani xAI a ricibi training cu data sintetico y ta usa mecanismonan di control propio pa evita error – conoci como “haculinacion” – cu ta plaga algun



chatbot di AI y ta haci nan procesa data falso of incorrecto como hecho.

“Grok 3 tin capacidatnan di razonamento hopi poderoso, pues den e testnan cu nos a haci te cu awo, Grok 3 ta dunando resultado miho cu cualkier otro cu ta lansa awendia, cu nos conoce. Esaki ta un bon senal,” Musk a comenta den un yamada cu World Governments Summit na Dubai.

Grok 3 lo keda disponibel prome pa e suscriptornan Premium+ di X, anteriormente Twitter, cu Musk a adkiri den 2022 pome cu esaki bira disponibel na otro usuarionan.

E chatbot actualisa ta drenta un veld cu ya caba tin otro hungadonan grandi y un veld cu ta sigui core pa introduci mas producto di AI sofistica pero tambe efectivo den su costo.

Compania Chines DeepSeek a sacudi e industria global di AI luna pasa cu e lansamento di su chatbot R1 di calidad halto pero costo abao, marcando un desafio directo na ambicionnan di Merca pa lidera mundo den desaroyo di e tecnologia aki.

Grok 3 tambe ta compitiendo contra OpenAI su chatbot, ChatGPT, cual ta pone Musk contra su colaborador cu a bira rival Sam Altman.

Musk y Altman ambos tabata entre e ekipo di 11 persona cu a funda OpenAI den 2015. Crea como un peso pa bay contra Google su posicion dominante den inteligencia artificial, e proyecto a ricibi su financiamiento inicial for di Musk, ken a inverti 45 miyon dollar pa cuminsa.

Musk a sali for di e compania 3 año despues, y despues den 2022 OpenAI su lansamento

di ChatGPT a crea un sensacion di tecnologia global, uno cu no tabatin Musk na su centro y cu a haci Altman practicamente un celebridad.

Nan relacion a bira cada biha mas toxico y problematico desde e tempo aki, cu OpenAI su directiva siman pasa rechasando un oferta lidera pa Musk pa cumpra e compania pa cerca di 100 biyon dollar.

Trump y tecnologia

Trump a pone tecnologia den centro di su administracion nobo. Biyonarionan di tecnologia su presencia tabata prominente durante su inauguracion y el a anuncia un gran cantidad di iniciativa relaciona cu infraestructura pa AI di Cas Blanco.

Musk a bira un figura clave den e administracion, como un di e conseheronan mas cercano di Trump y hefe di


di e departamento nobo crea yama Department of Government Efficiency (DOGE), cual a cuminsa un evaluacion radical di burocracia di gobierno Mericano.

Criticonan ta adverti cu Musk su cercania cu e presidente ta posee un conflicto di interes mientras e ta guia Trump tocante leynan y regulacionnan tocante inteligencia artificial – cual ta un sector den cual e tin interes comercial substancial.

Segun Bloomberg, xAI ta evaluando posibel inversionistanan pa alrededor di 10 biyon dollar den financiamiento cu lo duna e compania un balor di 75 miyon dollar. Musk, ken ta hefe di ambos SpaceX y Tesla, a lansa e compania xAI den juli 2023, poco despues cu el a firma un carta habri haciendo yamado pa pausa den e desaroyo di modelnan di AI poderoso.



Accidente cu hende herida dilanti Napa Cura Cabay



Dialuna atardi a drenta informe di un accidente cu hende herida na Napa Cura Cabay, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente pa falta di preferencia. E Toyota Corolla no a duna preferencia na e Hyundai Tucson. Debi na e

impacto un chauffeur a resulta herida cu dolornan na su nek. Na yegada di e ambulans nan a atend'e.

Grupo di turista hoben mayoria menor di edad buscando problema den area hotelero

Diamars madrug poco mas tempran un grupo hoben mayoria menor edad ya caba a causa problema na un hotel na Palm Beach, y un rato despues meymey unda e barnan ta atrobe a causa problema.

Esaki a crea un situacion unda cu e bouncernan mester a laga nan post pa asina evita un of otro pelea riba caminda. Un hoben a sigui cana y haci fastioso den varios hotel den e area ey poniendo hasta polisnan di Oranjestad y polis cu ta cuida costa activo pa asina preveni cu nan haci daño na propiedadnan of daño na otro.



Chauffeur a para pa duna otro un chens y e auto su tras a slip dal e



Dialuna mainta a drenta informe di un accidente na Kudawecha, mesora a dirigi un patruya na e sitio.

Na yegada di e patruya a bin compronde cu aki ta trata

di un accidente unda cu e chauffeur di un Hyundai Accent no a regula su velocidad ni a mantene distancia a slip riba e caminda muha y a bay dal tras di e auto cu a para pa duna otro auto un chens.

Polis y ambulans a bay Sabana Liber pa un accidente cu 5 auto involvi y hende herida

Dialuna mainta a drenta informe di un accidente cu hende herida na Sabana Liber, mesora a dirigi tanto polis como ambulans na e sitio.

Na yegada di e patruya a bin compronde cu e chauffeur di un Hyundai Elantra no a regula su velocidad ni distancia teniendo cuenta cu e caminda ta muha y a bay purba brake pero a slip baha caminda na man drechi, perde control, dal e bumper di patras di un Honda Accord di direccion contrario y a sigui bay dal frontal riba un Suzuki Swift



di direccion contrario. Debi na e impacto ey a bira di banda dal e patras di e Mazda su dilanti manda esaki bay dal un Toyota Vitz cu tabata dilanti e Mazda.

Den e impactonan aki e Swift

a cuminsa huma y e airbagnan a "deploy" dal e chauffeur den cara. E chauffeur a spanta y tabata guli e huma cu tabata sali for di e motor di e auto. Nan a yuda saca e chauffeur for di e auto.

Na yegada di e ambulans nan a atende e chauffeur herida pero e mes no tabata desea di

bay cu ambulans pa hospital.



Accidente cu hende herida pa falta di preferencia na San Nicolas



Diamars merdia a drenta informe di un accidente cu hende herida pariba di Watertoren na San Nicolas, mesora a dirigi tanto polis como ambulans na e sitio na e sitio.

Na yegada di e patruya a bin compronde cu aki ta trata di un accidente pa falta di preferencia. Debi na e impacto un persona a resulta levemente herida. Na yegada di e ambulans nan a atende e victima.

Chauffeur sin rijbewijs no a regula su velocidad ni a mantene distancia y a bay dal tras di auto y esaki a bay dal otro auto

Diamars mainta a drenta informe di un accidente na Ser'i Teishi, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur sin rijbewijs di un pick-up no a regula su velocidad ni a mantene distancia y a bay dal tras di e auto Hyundai Accent su dilanti y consecutivamente esaki a bay dal tras di un Hyundai Tucson. Na prome instante e chauffeur



sin rijbewijs kier a regla esaki entre nan pero e conductor no a acepta y a prefera di yama autoridad. Afortunada-

mente ningun hende a resulta herida.



Guarda Nos Costa ta sigui piki indocumentadonan riba caya!



Diamars merdia den e solo cayente aki e oficialnan di Guarda Nos Costa a subi caya pa captura e indocumentadonan.

Diamars merdia nan a crusa brug bay haci detencion di hendenan indocumenta unda a haya varios persona na sitionan di construccion mayoria di nan sin papel.

Truck di Gen Air a ranca waya di CableTV na Rooi Afo



Diamars mainta a drenta informe di un incidente na Rooi Afo, mesora a dirigi un patruya na e sitio.

Na yegada di e patruya a



bin compronde cu un truck cu tabata transportando un Forklift cu no por a pasa riba e brug pa motibo cu esaki tabata cera, a pasa otro caminda y a dal y ranca wayanan di

CableTV cu tabata basta abao. Polis a presenta y a traha un rapport di e suceso y a avisa e compania pa bin haci e reparacionnan necesario.

Turista a dal abao cu step den oranan di madrugada banda di e hotelnan

Diamars madrugada a drenta informe di cu un turista a dal abao for di un electric step banda di e hotelnan, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un turista cu a dal abao pero su casa mes cu ta dokter a cuminsa atend'e cu locual e y polis tabatin. Na yegada di



e ambulans nan a atend'e y a transport'e pa hospital.



Un total di 9 persona a celebra nan hubileo na EPI diabierna ultimo

Diabierna atardi Prome Minister Evelyn Wever-Croes tabata presente na EPI pa celebracion di hubileo di 9 docente di EPI. Prome Minister a indica cu e momento aki tabata uno hopi special mirando cu e docentenan aki ta celebra entre 25 pa 45 aña den e veld di enseñansa na EPI, cu hunto ta conta cu un total di 280 aña di experiencia.

Durante su discurso Prome Minister a tuma e oportunidad di gradici cada un di e docentenan aki pa tur e añanan di dedicacion na nos hobennan. E docentenan aki no solamente ta un guia pa nos hobennan si no tambe un “role model”, cu a sa di tin un influencia positivo



riba e exito di cada un di nan.
Danki na nan dedicacion y
esfuerzo awe e hobennan aki
ta exitoso. Docentenan no
solamente ta guia e hoben-
nan sino tambe ta un ayudo

grandi pa e mayornan pa loke
ta guia profesional di nan yi-
unan.

Prome Minister ta felicita cada un di e docentenan aki pa tur e añanan di amor y dedicacion na nos yiunan, y ta gradici e famianan di e docentenan pa nan sosten durante tur e añanan aki. Un pabien tambe na EPI pa tur e sosten cu nan ta duna comunidad den e area di enseñansa.

Por ultimo Prome Minister a referi na e discurso di docente Harrisch Chin Sie Jen, cu ta mustra con chikito Arubata. Señor Chin Sie Jen tabata docente tempo cu Prome Minister su casa y su yiu tabata bay scol, y tabata colega di su mama. Pues aki ta pa-



pia di tres generacion, y tur e añanan aki ta muestra di cuanto experiencia señor Chin Sie Jen tin den e ramo aki. E trabou di esnan den e veld di enseñansa no ta solamente importante sino tambe hopi grandi y bunita, y nan merece tur clase di respet.

<p>Resultado Sorteo</p> <p><i>Februari 18</i></p>	
--	--

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
9500	0881	5946	1831
0074	4678	SUPER5	8577
3277	3008	-	8128

MERDIA

ANOCHI

Sorteo # 4541
3271
6724
7508
FP
Sorteo # 4541
5575
X2
Sorteo # 2597
7274
Sorteo # 4541
5872
Libra
Sorteo # 1415
357
X2

Sorteo # 8477
4441
0524
1802
FP
Sorteo # 7521
0252
X2
Sorteo # 2226
5423
Sorteo # 6280
4614
Libra
Sorteo # 1210
013
FP

Sorteo #	Joker Letter
0 x Jackpot	Proximo Jackpot
0 x Match 4+	120.000,-
0 x Match 4	
0 x Afl. 12,00	
	05-06-17-19-23
Sorteo # 6747	Proximo Jackpot
0 x Jackpot	111.000,-
13 x Match 4	
335 x Afl 8,00	

	15-20-23-30
Sorteo # 1742	Mega Ball 07
0 x Jackpot	Proximo Jackpot
7 x match 4	2.100.000,-
42 x Afl. 500,00	
490 x Afl 50,00	
753 x Afl. 15,00	Afl. 3.250.000,-

Sorteo #	

**Dokter na warda**

Oranjestad **San Nicolas**
Hospital Imsan
7:00 pm / 10:00 pm 24 ora

Botica na warda

Oranjestad: **San Nicolas:**
Eagle: San Nicolas:
Tel. 587 9011 Tel. 584 5712
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Conseho di New York City ta haci yamado pa renuncio di alcalde bao critica



(AFP) - Hefe di New York City su conseho riba di-aluna a haci yamado pa e renuncio di alcalde Eric Adams, dianan despues di U.S Justice Department su decision di retira un caso di corrupcion den su contra.

Adams, ken a declara su mes inocente na cargonan di fraude y soborno, a nenga acusacionnan cu el a pidi pa e caso ser retira a cambio di implementacion di Donald Trump su agenda di inmigracion.

E alcalde Democratico di e pais su ciudad mas pobla ta bao presion di varios banda, cu algun miembro di su propio partido criticando su cooperacion cu Trump. Di-aluna, 4 alcalde Diputado di e ciudad di New York a indica cu nan lo renuncia, mandando e panorama politico local den mas caos.

“Cu e renuncia di e alcalde-nan, a keda cla cu e alcalde Adams awo a perde confian-sa di su propio empleadonan, su coleganan den gobierno y ciudadanonan di New York,” vocero di e Conseho di e ciudad Adrienne Adams (cu no ta familiar di e alcalde) a bisa den un declaracion.

“Awo e ta duna prioridad na New York City y e ciudadanonan. Hala un banda y renuncia.”

E 4 alcalde cu ta renunciando a cita e “eventonan extraordinario” den simannan recien como e motibo pa nan decision, New York Times a reporta, citando e carta emiti



pa e oficialnan.

Den su declaracion, Adams a bisa cu e ta “desapunta di

mira nan bay, pero mirando e desafionan recien, mi ta compronde nan decision.”

Anteriormente, varios fiscal di e distrito di New York cu a trece cargo contra Adams tambe a renuncia den bista di e Departamento di Husticia su decision di retira e caso.

Mas recien tabata assistent di abogado Mericano Hagan Scotten, ken a bisa diabierna cu solamente un “cobarde” lo cumpli.

Pronostico di tempo

Tempo:

Awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 31 grado Celsius

Temperatura minimo 26 grado Celsius


Indice di calor (heat index) den y rond di oranan di merdia: 32 pa 36 grado Celsius
Uv index: 10

Bahada di solo : 6:47 pm
Subida di solo : 7:00 am

Biento:

Moderate te basta fuerte for di direccion generalmente oost; forsa 4 te 5 (20 te 39 km/ora, 11 te 21 nudo)
Durante di dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo)

Situacion general di tempo: Actualmente e coriente di aire ta hopi abou na



humedad. Esaki lo stroba desaroyo di e nubianan cu por produci awasero. Tempo generalmente seco lo domina durante e periodo di pronostico aki.

Condicionnan maritimo/ estado di lama:

Na partinan protege di costa: keto, rond di 1 pia.
Na partinan zuid: trankil 1 pa 3 pia.
Na partinan oost te noordwest di costa: generalmente modera cu olanan alrededor di 4 pa 6, localmente 7 pia.

Condicionnan maritimo lo sigui mehora durante e proximo dianan.

Aurora

Royal Pray

Funeral Home & Crematory

*Señor ta mi wardador, mi n' tin falta di nada
Den cunucu di yerba berde, E ta pone mi sosega
E ta hiba mi na awa trankil, pa mi bolbe haña forsa
(for di Salmo 23)*

Cu inmenso amor y gratitud den nos curason pa tur locual el a significa pa nos, famia Croes ta anuncia fayecimento cristian di:



Elisabeth C. Croes-Croes

Mihor conoci como: El, Elsie, Juffrouw Elsie, Juffrouw Croes
★ 25-02-1951 - † 12-02-2025

Na number di su **esposu**:
Rolando “Ronny” Croes

Yiunan:

Ronella Croes
Ernon Croes
Silvia Croes y Michel Maduro

Mayornan:

†Frans Muller Croes & †Anna Maria Croes-de Mey

Suegronan: †Gerrit “Gerry” Croes & †Cornelia Croes-Maduro

Rumannan:

Lucia y Boi Croeze-Croes
Ovi y José Croes-van Hoek
†Rita y Edwin Arendsz-Croes
Olivia y Nico Duarte-Croes
Robby y Melva Croes-Yanez
Evelyn y Franklin Ruiz-Croes
Benita Britt-Croes
Des Croes
Rina Croes
Edgar y Wina Croes-Werleman

Swa y cuñanan:

Lucia Croes
Chica Croes
Elizabeth y †Oscar Bikker-Croes
†Betty y †Roberto Tromp-Croes
Gabriel y Greta Tromp
Yolanda Croes
Leoncita Croes
Edith y Ronny van der Linde-Croes
Roberto y †Rina Croes-Tromp

Sobrino y sobrinanan y nan famia:

Haime, Wendy, Enid, Alan, Edith, Irwin, Egbert, Indra, Sergio,
Iraida, Jorge, Cedric, Renzo, Liza, David, Daniella, Nicole,
Cindy, Lucio, Elsa, John Patrick, Sherry, Roderick, Shareen,
Shariff, Itishmira, Roschendra, Roschenell, Rhadyn, Rhansley,
Ericson, Silvyane, Ghrisanty

Ihanan:Iraida Duarte, Maria-Elena Krozendijk, Sandrich Bislik

Alicia, Auchie, Giechie, Valerie, Maria, Reina, Linda, Ica, Violeta,
Mireya, Doy, Salome, Norma, Norman, Beatriz y demas amigo
y amiganan

Un danki special pa e atencion y cuido ricibi di dokternan y
ekipo completo di Intensive Care Unit na HOH

Demas famia:

Croes, de Mey, Maduro, Croeze, Arendsz, Duarte, Ruiz, Britt,
Bikker, Tromp, van der Linde, Lee

Ta invita primo y primanan, bisñanan, conocinan, ex-colega y
alumnonan di Colegio Ora Ubao y La Salle College, gruponan
di oracion

Nos ta gradici y aprecia e sosten y apoyo ricibi, pero nos ta
lamentar cu nos no por ricibi bishita di condolencia na cas
Na lugar di krans of flor lo tin box disponibel pa donacion pa
Hospice Atardi y Fundacion Dr. Jose Gregorio Hernandez
Nos ta pidi disculpa si den nos tristesa nos por a lubida un famia
of amistad

Oportunidad pa condolencia:

Diamars 18 di Februari 2025 di 7:00 pm pa 9:00 pm na Aurora
Funeral Home

Acto di entierro:

Diaranson 19 di februari 2025 for di 2:00 pm pa 4:00 pm
na Misa Inmaculada Concepcion na Santa Cruz. Sigui pa un
respons y despues lo sali pa Santana Catolico na Santa Cruz

Aurora

Royal Pray

Funeral Home & Crematory

*“Laga tur locual cu ta spera mi ta bunita
Laga tur locual cu mi encontra na caminda ta bunita
Laga tur locual mi laga atras keda bunita
Y laga esaki nan termina den tur bunitesa“*

Cu inmenso tristesa na nos curason, pero conforme
cu boluntad di Dios, nos ta participa fayecimento
cristianamente di:



Sra. Vda. Florentina Gomez-Giel

Mihor conoci como Flora, Poja of Pooj
★27-09-1940 - †12-02-2025

Na number di su :

Casa: † Florentino (Mai) Gomez

Yiunan:

†Gladys Paesch y famia
Iris y Mervin Semeleer-Paesch y famia
Humphrey Gomez y Bernarda Doria Prince y famia
Michael Gomez y Liliana Herrera y famia
Gwendoline y Hubert Semeleer-Gomez y famia
Jeritza y Erick Kelly-Gomez y famia

Nieto(a) nan y nan famia:

Giancarlo Vrolijk, †Jean Pierre Vrolijk, Rachelle Vrolijk,
Ryan Semeleer, Raïtza Mata-Semeleer, Rygell Semeleer,
Jenard Gomez, Joenard Gomez, Orleana Gomez,
Christopher Gomez, Christienne Gomez Giordan
Croes, Jerilaine Gomez, Jaycey Kelly, Jerick Kelly

Bisanieto(a) nan:

Jolainy, Jaydrick, Pierre Angelo, Roshella, Sharella,
Aleeza, Rylan, Aleeya, Cian, Dylan, Jelani, Jamylah,
Jah-haile, Maverick, Aïden

Ruman nan:

†Bonifacia y †Basilio Arends-Giel y famia
†Lorencia y †Antolino Ridderstaat-Giel y famia

Su mihor amiga nan: Chita Thodé, Juliana Gil, Chita
Farro, Titi Tromp, Mena Tromp y demas amiganan.

Ex- suegro(a) nan: Marisol Tromp, Aurora Arana
Bezada, Anthony Croes

Sua y cunja nan: †Vda. Juanita Dubero, † Viviana
Gomez y famia, Pascual Gomez y famia, †Ingrid Gomez
y famia, Onny Gomez y famia
Iha: Edwin Ridderstaat

Con suegro y suegra: Mario y Anna Kelly-Kelly y
famia

Sobrina (o)nan y nan famia: †Leo Ramada, †Felix
Ramada, Nelson Ramada, John Ramada, Emely Arends,
Myrtha Arends, Mildred Arends, David Ridderstaat,
Edwin Ridderstaat, †Rudolf Ridderstaat primo (a)nan, y
su bisinja nan di Bubali y Kudawecha, ex-miembro nan
di Dr. Jose Gregorio Hernandez na Monserat, Grupo
Uni, Café Feliz Savannah.
Un danki special na su dokter di cas Dr. Fernandes y
Staff y Personal di Happy Days Care Foundation.

Demas famia:

Gomez, Giel, Paesch, Vrolijk, Semeleer, Rosenstand,
Mata, de Windt, Doria Prince, Paalman, Maduro,
Werleman, Rodriguez, Arana Bezada, Navas, Herrera,
Croes, Chaguancalle, Kelly, Koolman, Webb, Stamper,
Tromp, Arends, Ridderstaat, Ramada, Escobar, Abreu,
Palm, Helder, Yarzagaray, Felida, Wolff, Figaroa, Donata,
Blanco, Dijkhoff, Franken, Thodé, Farro y Gil.

Su cacho nan stima: Chito y Chichito

Ta invita tur amigo(a)nan, bisinja nan y conocir nan pa
asisti na acto di entierro cual lo tuma lugar diaranzon 19
februari 2025 for di 9or pa 11or di mainta na Misa Santa
Anna na Noord, despues pa Santana Catolico na Noord.
Nos disculpa si den nos tristeza nos por a lubida cualkier
famia of conocir. Nos ta lamenta cu despues di entierro
nos no por ricibi bishita di condolencia na cas.

Aurora

Royal Pray

Funeral Home & Crematory

It is with deep sorrow that we announce the sudden
passing of:



Mrs. Natasha Andrea Ashley-Williams

Also known as “Tasha”
Sunrise: June 10, 1978
Sunset: February 14, 2025

On behalf of her family:

Mother: Antonia Alberta Willems-Bryson

Father: †Mauricio E. Willems

Husband: Corey Ashley

Children: Keyana Willems
Keayshawn Willems
Aurorra Ashley
Grandchild: Shameer King

Sister: Nadia Cremony-Willems

Brother: Maurits Willems
Anthony Willems

Great Aunt: Sylvia Rombley

Uncles: Rudolfo Richardson
Roberto Bryson
Antonio Rombley

Nieces: Nalliyah Willems
Tishayna Willems
Gina Willems

Nephews: Jeremiah Godett
Jaydon Willems

Special Cousin: Raiza Rogers

Other cousins: too numerous to mention

Close friends: Taneisha, Janice, Lisa, Sandy and
Lukcasjo.

Related to Willems, Rombley, Myers, Bryson,
Spanner, Rogers, Richardson, Rooyer, Kock,
Maduro and Fraser.

The Funeral Service for the late Mrs. Natasha
A. Ashley-Willems will take place on **Tuesday
February 25, 2025 at the San Nicolas
Seventhday Adventist Church located at Dr.
Schaepmanstraat 3.**

The viewing of the body will be from 1-2 and the
celebration of life service will be from 2-4pm.

Evening of condolences will be on **Monday
February 24, 2025 from 7-9 pm at the Pray
Funeral Home in San Nicolas.**

Our apologies if we may have forgotten anyone in
our grief.

We regret to inform that we will not be able to
accept any condolences after the funeral.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa"
Salmo:23



Cu inmenso dolor na nos curason, pero conforme cu boluntad di Dios nos ta anuncia fayecimento di nos ser keri:

Shirley Rose de Cuba-Canhigh
*11-01-1944 † 18-02-2025

Acto di entierro lo wordo anuncia despues

Aurora

Royal Pray

Funeral Home & Crematory

"Bou di alanan di Dios mi ta sigur" Abo ku ta biba bou di amparo di Altísimo, ta hospedá den sombra di Dios Omnipotente, bisa Señor:
"Mi refugio, mi forti, mi Dios, den kende mi ta pone mi konfiansa"
Salmo 91:1-2



Cu dolor na nos curason, nos ta participa fayecimento di nos ser stima:

Sr. Victoriano Bermudez
Cariñosamente yama "Bito"
*08-11-1929 - †18-02-2025

Acto di entierro lo wordo anuncia despues



Cu inmenso tristesa Citgo Santa Cruz
ta anuncia fayecimento di

Elisabeth C. Croes-Croes

Accionista di nos compania y ruman di
nos director Edgar Croes.

Nos ta expresa nos mas profundo condolencia

na su casa Ronny, su yiunan Ronella, Silvia, Ernon y demas famia y ta

desea nan hopi forsa den e dianan dificil aki.

Cu Elsie sosega na paz.

Aurora

Royal Pray

Funeral Home & Crematory

Behind each tear of grief, hides a smile of memories. Thank you for the beautiful memories we've shared with you.

Cu inmenso dolor na nos curazon, pero gradicido pa tur locual ela nifica pa nos, nos ta anuncia fayecimento di nos querido Pareha, Tata, Tio, Abuelo y Bon amigo:



Sr. Enrique Alfonso Jacopucci
17 januari 1938 - 17 februari 2025

Na number di su **pareha**:
Sra. Elena Duran-Bustos

Su yiunan:
Sandra y George Appiah-Jacopucci
Diana Jacopucci

Su nietonan stima:
Noëla y Nathan
Ethan (Chacho), Elena (Nenalina), Cynthia (Minina) y Joshua (Joshi joshi)

Su rumannan: †Carmen Atencio de Escudero
Cidia Jacopucci
†Luisa Kusmus
†Eneida Jacopucci

Na Colombia: Daisy Padilla Medina
†José Prudencio Padilla
Dilsey Padilla de Agudelo
Carlos Eliseo Padilla Medina
Eligia Padilla Medina
†Reinaldo José Rosado Padilla
José Gabriel Rosado Padilla
Gabriel José Rosado Padilla

Su sobrinanan stima na Aruba:
Magaly Hunt-Kusmus y Madel Jim
Su otro sobrinonan stima na: Curacao,
Colombia, Merca, Hulanda y Australia.

Mama di su yiunan:
Amparo Echavarría y Gerardo Ortega

Yiunan di su pareha:
†Juan Manuel Suarez, Camilo Hernandez,
Nicolas Hernandez

Su amigonan di "Schaakvereniging Aruba" (SVA): Chelo Pesqueira y Octavio Croes
Su amigonan di semper: Eddie y Margot Thodé

Demas famia na Aruba, Curacao, Colombia, Merca, Hulanda y Australia.

Un **danki special** na specialistanan Dr. Caceres, Dr. Jreige, Dr. Franca, Dr. De Jong y enfermeronan di piso B3 na hospital pa e bon cuido y dedicashon pa cu nos ser stima.

Nos disculpa pero después di entierro no ta ricibi bishita di condolencia na cas.

Acto di despedida lo tuma lugar Diaranson 26 di februari 2025 na Aurora Funeral Home di 2or pa 4or di atardi. **Cremashon** lo tuma lugar den seno familiar.


Aurora

Royal Pray

Funeral Home & Crematory

Mi ta bai Feliz y agradecido pa e tempo largo cu Señor a regala mi. Pa tur e amor cu mi a ricibi y cu mi a duna. Señor ta bon y husto. E la mira cu mi tabata agota y e la tuma mi den su brasa pa mi por sosega.

Cu inmenso tristeza pero conforme cu boluntad di Dios, nos ta anuncia fayecimento cristianamente di:



Sr. Juan Antonio Arcaya
Mihor conoci como "Juancho"
*20-10-1941 - †13-02-2025

Na number di su:
Esposa: Swinda Arcaya-Kock

Yuinan:
Gregory Arcaya
Rachella Arcaya y Anthony Cannegieter
Kenrick y Jahaira Arcaya-Rasmijn
Kaydee y Shawnee Paesch-Arcaya
Ryan Bregita y Ramzina Croes

Nietonan: Zavyaska (Zavi) Maduro, Miljuanne (Milly) Lopez-Penha, Alexon Simmons, Alexei Simmons, Amanda Alders, Jennyree Bockhoudt-Arcaya, Kareina Arcaya, Jeanrick Arcaya, Kayshawn Paesch, Khaylen Paesch, Kaysienne Paesch y Zi-Anne Loefstok.

Bisnietonan: Dason, Arqion, Keandra, Jenëdy y Eldrick

Rumannan:
Petra Ramona y Ciro Robert-Arcaya
Francisco Arcaya
Enrique y Nelida Arcaya-Coquis
Orlando Arcaya y Bertha Geerman
Mireya y Ciro Ras-Arcaya

Sua- y Cuñanan:
Marjorie y Tinchí Vrolijk y famia
Charmila Nadall-Kock y famia
Maikel y Lourdes Kock Feliciano y famia
Griselda Vrolijk-Kock y famia
Hashmin Kock-Maduro y famia

Omo y tanta, Sobrina- y Sobrinonan, Sobre-subrina- y Sobre-sobrinonan, Prima- y Primonan, Ihanan, Su ex-coleganan di Radisson Hotel, su ex-coleganan di Softball y Bolas Criollas.

Demas famia: Arcaya, Kock, Paesch, Cannegieter, Maduro, Lopez-Penha, Simmons, Rasmijn, Croes, Bockhoudt, Alders, Bregita, Loefstok, Dirks, de Abreu, Jansen, Blanco, Ras, Robert, Vrolijk, Feliciano, Coquis, Geerman, Lopez, Lugo, Koolman, Henriquez, Toppenberg, Orman, Villa, Ocando, Paz, Guanipa, Nadall, Diaz, Gonzalez, Valdez.

Demas famia nan na Aruba y Venezuela

Ta invita demas famianan, amigonan, bisñanan y conocirnan pa e **acto di despedida** cu lo tuma lugar Diasabra, 22 di Februari 2025 di 9or pa 11or am na Aurora Funeral Home despues lo sigui pa Santana Catolico na Paradera.

Nos ta lamenta cu despues di entierro nos no lo ricibi bishita di condolencia na cas y nos ta pidi


Disculpa si den nos tristeza nos por a lubida un of mas famia of amistad.

Aurora

Royal Pray

Funeral Home & Crematory

“Señor ta mi wardador,
mi’n tin falta di nada.
Den cunucu di yerba berde e
ta ponemi sosega.
E ta hibami na awa trankil,
pa mi bolbe haña forsa”.
Salmo: 23



Cu dolor na nos
curason, nos ta participa
fayecimento di nos ser
stima:

Sr. Elio Rafael Rodriguez
Cariñosamente yama “Tatai of Japi”
*22-11-1933 - †16-02-2025

Acto di despedida lo wordo anuncia despues

Aurora

Royal Pray

Funeral Home & Crematory

“Señor ta mi wardador,
mi’n tin falta di nada
Den cunucu di yerba
berde e ta ponemi sosega.
E ta hibami na awa
trankil,
Pa mi bolbe haña forsa”.
Salmo: 23



Nos ta anuncia fayecimento di:

Elisabeth Brete
*11-08-1939 - †14-02-2025

Acto di entierro lo wordo anuncia despues.

Aurora

Royal Pray

Funeral Home & Crematory

Lagrima y flornan por seca,
su recuerdonan y tur loke el
a haci y significa pa nos, lo
keda graba pa semper den
nos mente y curason.
“Cerca Dios mi alma ta
na paz, ta di DJE mi
salbacion ta bin”
Salmo 62:1



Cu dolor na nos curason, nos ta participa
fayecimento di nos ser stima:

Justo Pastor Duran Suarez
*09-09-1960 - †15-02-2025

Acto di despedida lo wordo anuncia despues

Francia ta investiga e morto di periodistanan na Siria den 2012 como crimen contra humanidad



(AFP)—E poder hudicial di Francia ta investiga e morto di periodistanan na Siria na 2012 como un posible crimen contra humanidad, segun loke e fiscal contra terorismo a conta AFP ayera.

Periodista Mericano prominente Marie Colvin y fotografo Frances Remi Ochlik a ser asesina pa un explosion den e parti oriente di e pais destrosa pa guerra den un atake cu un corte Mericano a yama despues como un atake “impardonable” cu tabata dirigi contra periodistanan riba orden di gobierno Sirio.

E poder hudicial di Francia tabata trata e supuesto atake como un crimen di guerra, pero dia 17 di december a amplia e investigacion pa un posible crimen contra humanidad, un acusacion pa cual e corte Frances ta declara hurisdiccion universal sin importa e localizacion of nacionalidadnan involvi.

E fiscal contra terorismo a conta AFP cu evidencia nobo ta indica “e ehecucion di un plan coordina contra un grupo di ciudadano, incluyendo periodistanan, activistanan y defensoran di derechonan humano, como parti di un atake amplio of sistematico.”

Colvin – un corresponsiente di guerra renombra di cual su carera a ser celebra den un pelicula nomina pa un Golden Globe, “A Private War” – a ser asesina den e bombardeo di e ehercito Sirio riba e Baba Amr Media Center na Homs dia 22 di februari 2012.

‘Un paso grandi pa dilanti’

E corte federal den e capital di Merca, cual na 2019 a manda Siria paga \$302.5 miyon pa su morto, a bisa den su veredicto cu e ehercito y inteligencia Sirio a sigui e transmisionnan di Colvin y otro periodistanan cu tabata cubriendo e sitio di Homs te na e centro di prensa.

Despues nan a ataca e centro cu un bombardeo di artilleria cu a mata Colvin y Ochlik.

Investigadornan Frances tambe ta kere cu nan dos a ser “deliberadamente ataca.”

Ademas, nan a conta AFP cu nan a amplia e investigacion pa cubri e supuesto “persecucion” di gobierno Sirio contra ciudadano, incluyendo Colvin y Ochlik, como tambe fotografo Britanico Paul Conroy y reportero Frances Edith Bouvier – ken a keda herida den e atake – y traductor Sirio Wael Omar, como tambe “otro actonan inhumano” cometi contra Bouvier.

Un di e abogadonan di Bouvier, Matthieu Bagard, a bisa cu e investigacion nobo “ta habri e porta pa trata cierto cantidad di procedemento contra periodistanan den zona di conflicto como crimen contra humanidad.”

Su colega abogado, Marie Dose, a yama e cambio den e investigacion “un paso grandi pa dilanti pa corresponsientenan di guerra.”

“E famia di Colvin ta pidi e gobierno Sirio nobo pa coopera cu investigadornan internacional pa tene esnan responsable di e atroci-

dadnan manera e asesinato di Marie Colvin,” segun Scott Gilmore, abogado di su ruman Cathleen Colvin, a conta AFP.

Clemence Bectarte, abogado di e famia di Ochlik, a bisa cu e ta spera cu huesnan emiti orden di detencion “pa e oficialnan politico y militar di rango mas halto di ken su involucramento a ser establece.”

Na maart 2012, Francia a habri un investigacion riba e asesinato di Ochlik y riba e intento di asesinato riba Bouvier, dos ciudadano Frances.

‘Deliberadamente ataca’

E investigacion a ser amplia pa crimen di guerra na october 2014, y na 2016 demandantenan no-Frances a uni den e proceso legal. “E no tabata un caso unda nos tabata na e lugar robes na e momento robes,” Bouvier a bisa den 2013. “Nos a ser deliberadamente ataca.”

Na 2016, presidente Sirio di e tempo ey, Bashar al-Assad a bisa cu Colvin tabata “responsable” pa su mesun morto. “Tabatin guerra y el a bin ilegalmente na Siria,” el a bisa, acusando e periodista di ta traha “cu e teroristanan.”

E bataya di Homs, e tercer ciudad di Siria, tabata parti di e guerra civil cu a resulta for di e represion di un rebelion contra e gobierno di Assad den 2011. Colvin, ken tabatin 56 aña y tabata traha pa e Sunday Times prome cu el a muri, tabata conoci pa su reportahenan sin miedo y su parche di wowo despues di perde su bista den un explosion durante e guerra civil di Sri Lanka.

IMF ta bisa cu e ta habri pa discusion riba acuerdo nobo cu Libanon

(AFP)—E Fondo Monetario Internacional a bisa ayera cu e ta habri pa un acuerdo nobo di prestamo cu Libanon despues di discusionnan cu su minister di Finanzas.

Prome minister Nawaf Salam a forma un gobierno nobo e luna aki, cabando cu e mas di dos y mita aña di liderazgo demisionario. Salam a scoge Yassine Jaber, un ex-minister di Economia y Transporte, a lidera e ministerio di Finanzas, un posicion importante mientras e administracion nobo pa pensando si e lo implementa reformanan economico doloroso den un intercambio pa sosten financiero nobo for di e Fondo. E economia di Libanon ta kibra pa varios aña caba, un collapse culpa riba corrupcion y mal maneho. “Nos



ta mira cu anticipacion pa traha cu e presidente nobo y gobierno nobo pa atende e retonan grandi cu e economia Libanes ta enfrenta,” un vocero di IMF a bisa den un declaracion comparti cu AFP, referiendo na presidente Joseph Aoun. “Esaki por inclui discusionnan riba un programa nobo cu por yuda restaura sostenibilidad externo y di debe y rehabilita e economia si autoridadnan pidi pa esaki.”

E comentarionan di IMF ta sigui e reunion di Jaber cu e

representante residente di e Fondo na Libanon, Frederico Lima, ayera trempan. Jaber a conta Lima cu “e gobierno y especificamente e ministerio di Finanzas tin un interes den logra un acuerdo cu e IMF,” segun un declaracion for di e ministerio di Finanzas.

El a agrega cu autoridadnan tabata consciente di e importancia di IMF su rol “den procede riba e caminda di reforma y atrae e comunidad internacional atrobe y den incentiv’e pa asisti Libanon.”

Rusia y Merca lo nombra negociantenan pa caba guerra na Ucrania



(AFP)—Rusia y Merca a acorda ayera pa establece equiponan pa negocia un caminda pa caba e guerra na Ucrania despues di discusionnan cu a causa un protesta fuerte for di Kyiv tocante su exclusion.

Secretario di Estado Marco Rubio y Minister di Asunto Exterior Ruso Sergei Lavrov a acorda pa “apunta equiponan di nivel halto pa cuminsa traha riba un caminda pa caba cu e conflicto na Ucrania lo mas pronto posible,” e departamento di estado a bisa.

Washington a nota cu nacionnan Europeo lo tin un asiento na e mesa di negociacion “na algun momento,” despues di e discusionnan oficial entre Washington y Moscu desde e invasion di Ucrania na 2022.

Washington a agrega cu ambos banda tambe a acorda pa “establece un mecanismo di consulta” pa atende cu “irritantenan” riba e relacion entre Merca y Rusia, notando cu e bandanan lo construi e fundeshi pa cooperacion den futuro.

Algun lider Europeo, alarma pa e presidente Donald Trump su revision di politica Mericano riba Rusia, ta preocupa cu Washington lo haci concesionnan serio pa Moscu y reskirbi e areglo di seguridad di e continente den un acuerdo estilo Guerra Friu.

Trump a bisa cu e lo “probablemente” reuni cu Putin prome cu fin di luna, pero no a elabora.

Presidente Ucrainiano Volodymyr Zelenskyy a critica e exclusion di su nacion for di e reunion na Riyadh, cual a dura mas di cuatro ora. El a bisa cu cualkier discusion dirigi pa caba cu e guerra mester ta “husto” y involvi paisnan Europeo, incluyendo Turkia—cual a ofrece pa organisa e negociacionnan.

Ambos Moscu y Washington a pinta e reunion ayera como e comiendo di un posible proceso largo y a mina prospectonan di un logro. Trump ta bisa cu e kier caba cu e guerra, pero no a presenta ningun plan concreto. Durante e campaña di eleccion na Merca el a gaba cu e por haci’e den riba su prome dia.

Trump pa su parti a bisa cu e tabata “hopi mas sigur” di un acuerdo despues di e discusionnan, contando reporteronan ayera na su propiedad riba Mar-a-Lago: “Mi ta kere mi tin e poder pa caba cu e guerra aki.” Tambe el a critica Kyiv pa keha tocante su exclusion for di e discusion. “Awe mi a tense, oh wel, nos no tabata invita. Wel, bo tabata eyan pa tres aña,” Trump a bisa, referiendo e guerra. “Bo no mester a cuminsa cu e guerra. Bo mester a yega na un acuerdo.”

Washington a conta ambos banda cu lo mester haci concesionnan si nan kier pa cualkier discusion materialisa. Rusia riba e vispera di cumbre a bisa cu no por tin ni un “pensamento” di duna back e territorio tuma for di Ucrania. Kremlin a bisa ayera cu Ucrania tabatin e derecho pa uni cu e Union Europeo, pero no den e aliansa militar NATO.

Tambe el a bisa cu Putin tabata “cla” pa negocia cu Zelenskyy “si ta necesario.”

Señor ta mi wardador, mi n’ tin falta di nada
Den cunucu di yerba berde, E ta pone mi sosega
E ta hiba mi na awa trankil, pa mi bolbe haña forsa
(for di Salmo 23)



Den number di e ekipo y Hunta di Supervision
di Aruba Tourism Authority ta extende palabranan
di profundo condolencia na Ronella Croes, CEO di A.T.A.,
cu fayecimento di su querida mama

Sra. Elisabeth C. Croes-Croes

☀ 25-02-1951 | + 12-02-2025

Alabes ta extende condolencia y desea forsa na su tata,
rumannan y demas famia.

Cu señora Elsie sosega na paz.

